

## **Piginneqatigiilluni inissiat pillugit Inatsisartut peqqussutaat nr. 2, 16. maj 2008-imeersoq Atuussimasoq (Historisk)**

Inigisaqartitsineq, inigisaqarnermut ikiorsiissuteqarneq, inigisanik attartortitsisarneq il.il. pillugit Kalaallit Nunaannut inatsimmi nr. 944-mi, 23. decembari 1986-imeersumi § 1 naapertorlugu makku aalajangersarneqarput:

### **Kapitali 1**

#### **Atuuffia ilaalu ilanngullugit**

§ 1. Peqqussut manna piginneqatigiilluni inissiatillit peqatigiiffiinit, piginneqatigiilluni inissianik piginneqatigiilluni inissiatillit peqatigiiffiini ilaasortat atugassaannik sananissamik, pisinissamik, pigisaqarnissamik aqutsinissamillu siunertaqartunut atuuppoq.

Imm. 2. Piginneqatigiilluni inissiatillit peqatigiiffiat ataaseq ikinnerpaamik sisamanik inissiartaqassaaq.

Imm. 3. Piginneqatigiilluni inissiatit inissiatut quleriaatut imaluunniit inissiatut eqimasutut imaluunniit pukkitsutut sananeqassapput, aammalu piginneqatigiilluni inissiatit ataasiakkaat tamarmik immikkut silamiit isertarfeqassapput, namminerisaminnik igaffeqassapput igasarfeqassallutilluunniit, kiisalu uffarfeqassapput perusersartarfeqassallutillu. Piginneqatigiilluni inissiat pissusissamisoorumik ataatsimoortutut ilusiligaassapput.

Imm. 4. Pissutsini immikkut ittuni piginneqatigiilluni inissiat illutut ataasiakkaatut imaluunniit illutut affarleriittut sananeqarnissaat tiguneqarnissaalluunniit Naalakkersuisut akuerisinnaavaat.

§ 2. Piginneqatigiilluni inissiami inigisap annertussusaa inissiami init tamarmik annertussusaattut naatsorsorneqassaaq. Pequusiviit, quit, aneursuarterfiit, biilnut oqquisitsiviit biililluunniit unittarfii qulisat, illup silammut iigaasa avataaniittut imaluunniit inissiamit immikkoortillugit inissiat, naatsorsuineri ilanngunneqassanngillat, taakku oqorsarlugit inigisassatut atorneqassanngippata.

Imm. 2. Inigisap annertussusaa imatut naatsorsorneqassaaq:

1) Naqqup ataani inigisap annertussusaa naqqup ataata silammut iigaaniit takissusaa silissusaanut amerlisillugu uuttorneqassaaq. Naqqup ataa tamakkerluni atorneqanngippat, iikkat ilorliit, ininut naatsorsuineri ilaatinneqartunut killiliisut qeqqiniit inigisap annertussusaa naatsorsorneqassaaq. Init naqqi tamakkerlutik cementimik betonimilluunniit qalligaanngitsut naatsorsuineri ilaatinneqassanngillat.

2) Inini quleriiaani nalinginnaasuniittuni inissiami ataatsimi silataani iikkamiit imaluunniit qaliata silataaniit, tak. nr. 3, aamma inissiat akunnequtaasa qeqqanniit uuttorlugu takissusaa silissusaanut amerlisillugu inigisap annertussusaa naatsorsorneqassaaq. Ilaqutariinnut arlalinnut inissiani illup isui naatsorsuineri inissiat akunnequtaasa affaattut ilanngunneqassapput. Qisuit qalliutit marluuppata, silataani qisummit allermiit uuttuisoqassaaq.

3) Qaliani inigisap annertussusaata naatsorsornerani illup takissusaa silissusaanut amerlisillugu naatsorsorneqassaaq. Takissusaa inini quleriiaani ataatsitut nalinginnaasutut uuttorneqassaaq, silissusaalu illup silataani qaliat qaavisa qaliap naqqaniit 1,5 meterinik portussuseqartut akornanni ungasissusaattut uuttorneqassalluni. Aniinganerit, soorlu qaliani aniingarnit iikkat inimit killiliissutaasut silataannut uuttorneqassapput.

Imm. 3. Naqqup ataani qalianilu inigisap annertussusaa, tak. imm. 2, nr. 1 aamma nr. 3, aatsaat init najugaqarfissatut suliarineqarsimappata ilanngunneqassapput.

Imm. 4. Init aalaakkaasumik natiligaanngitsut uuttortaanermut ilanngunneqassanngillat, taamaattorli tak. imm. 5.

Imm. 5. Inissiap iluani majuartarfiit naatsorsuinermit inini quleriiaani tamani aqquteqarfigisaannut ilanngunneqassapput. Torsuusat, majuartarfiit majuartarfiillu sangoriaat ataatsimoorussat, illumi ininut kiassakkanut qallersuutit iluiniittut naapertuuttumik, annerpaamilli 11 kvadratmeterinik annertussusilerlugit naatsorsuinermit ilanngunneqassapput.

**§ 3.** Piginneqatigiilluni inissiatillit peqatigiiffiat imaaliorniluni inissianik pigisaqalersinnaavoq:

1) Piginneqatigiilluni inissiatillit peqatigiiffiat sanatitsisuulluni inissianik nutaanik sanaartornikkut, tak. kapitali 2.

2) Sanatitsisup namminersortup inissianik nutaanik sanaartukkanik piginneqatigiilluni inissiatillit peqatigiiffianut tunniussineratigut, tak. kapitali 3.

3) Namminersornerullutik Oqartussat imaluunniit kommunip inissianik nutaanik sanaartukkanik piginneqatigiilluni inissiatillit peqatigiiffianut tunniussineratigut, tak. kapitali 4.

4) Namminersornerullutik Oqartussat imaluunniit kommunip inissianik attartortittakkanik pioreersunik piginneqatigiilluni inissiatillit peqatigiiffianut tunniussineratigut, tak. kapitali 5.

**§ 4.** Namminersornerullutik Oqartussat aamma kommuni kapitali 2-5-imi maleruagassat naapertorlugit piginneqatigiilluni inissiatillit peqatigiiffiit erniaqanngitsunik akilersugassaannngitsunillu taarsigassarsititsissapput.

**§ 5.** Naalakkersuisut aamma kommunalbestyrelsi taarsigassarsititsinissamik akuersinermi, Inatsisartut peqqussutaanni matumani maleruagassani piumasarineqartut saniatigut illuutip imaluunniit piginneqatigiilluni inissiatillit peqatigiiffiata ingerlatsineranut sunniuteqarnissamik piumasaqarsinnaanngillat.

Imm. 2. Piginneqatigiilluni inissiatillit peqatigiiffianut piginneqataasup aallaqqaatissatut akiliutissaanik, sanatitsisup namminersortup piginneqatigiilluni inissialiorneranut imaluunniit piginneqatigiilluni inissiatillit peqatigiiffiata piginneqatigiilluni inissiani taarsigassarsiaanut aningaasalersuisoq, Inatsisartut peqqussutaanni matumani maleruagassani piumasarineqartut saniatigut illuutip imaluunniit peqatigiiffiup ingerlanneqarneranut sunniuteqarnissamik piumasaqarsinnaanngilaq.

## **Kapitali 2**

Piginneqatigiilluni inissiatillit peqatigiiffiat sanatitsisuulluni inissianik nutaanik sanaartorneq

**§ 6.** Piginneqatigiilluni inissiatillit peqatigiiffiat inissianik nutaanik piginneqatigiilluni inissiatillit peqatigiiffianni ilaasortanit atorneqartussanik sanatillugu kapitali atorneqassaaq.

**§ 7.** Namminersornerullutik Oqartussat aamma kommuni piginneqatigiilluni inissiatillit peqatigiiffiata ataatsip § 6 naapertorlugu inissialioneranut annertussusissanut aningaasartaliussassanullu killiliussat, imm. 2-mi aalajangersarneqartut iluanni sanaartornermut aningaasartuutit tamakkiisut 50%-iinig erniaqanngitsunik akilersugassaannngitsunillu taarsigassarsititsisinnaapput. Affaat kommunimit aamma affaat Namminersornerullutik Oqartussanit taarsigassarsiaritineqassapput.

Imm. 2. Namminersornerullutik Oqartussat aamma kommunip taarsigassarsiarititassai annerpaamik inissiami inigisap annertussusaanut 110 kvadratmeterinut, tamatumani inissiaq annertunerugaluarpalluunniit, aammalu sanaartornermut aningaasartuutitut tamakkisunut annerpaamik kvadratmeterimut ataatsimut 19.100 koruuninik, tamatumani sanaartornermut aningaasartuutissat annertunerugaluarpataluunniit, tunniunneqarsinnaapput.

Imm. 3. Namminersornerullutik Oqartussat aamma kommunip taarsigassarsiarititassaat aatsaat tunniunneqarsinnaapput sanaartornermut aningaasartuutissat imaluunniit § 49, imm. 2 naapertorlugu inissiamut piginneqataasup atuisinnaatitaaffigisaanut naligitinneqartup naleqqussakkap 5%-iinik piginneqataasut ataasiakkaat aningaasanngorlugit nammineerlutik aallaqqaatissatut akiliuteqarpata.

Imm. 4. Sanaartornermut aningaasartuutissanit tamakkiisunit sinneruttut piginneqatigiilluni inissiatillit peqatigiiffiata nammineerluni aningaasalersussavai.

**§ 8.** Piginneqatigiilluni inissiatit sananeqarnerannut kvadratmeterimut aningaasartuutissat naatsorsorneqarnerini agguaqatigiissitseriaaseq tunngavigineqassaaq, tassanilu piginneqatigiilluni inissiatillit peqatigiiffiata sanaartornermut aningaasartuutissai tamakkiisut piginneqatigiilluni inissiatini tamarmiusuni kvadratmeterit amerlassussaat tunngavigalugit agguaasoqassaaq.

Imm. 2. Sanaartornermut aningaasartuutini tamakkiisuni minnerpaamik sanaartornermut atatillugu aningaasartuutissat tamarmik ilaatinneqarsinnaapput, taakkununga ilaassallutik pilersaarusiornermut, sanasunut, sanaartornissamut taarsigassarsianut erniarititanut, sanaartorfissagissaanermut, attaviliinermut akitsuutinut, sanaartornermik aqutsinermut, teknikkikkut aningaasaqarnikkullu siunnersorteqarnermut, inatsisilerituumik siunnersorteqarnermut, aningaasalersuinermit siunnersorteqarnermut, allaffissornermut, aningaasalersuinermut, piginnittuunermut uppenarsaatip aamma qularnaveeqqusiussaqarluni taarsigassarsinermit allagartat suliarineqarnerinut kiisalu naqissusiinermut uppenarsaatinut, aningaasartuutit.

**§ 9.** Namminersornerullutik Oqartussat aamma kommunip taarsigassarsiarititassaat siusinnerpaamik akilerneqassapput inissiat naammassineqareerpata aammalu aatsaat atuilernissamut akuersissummik, sanaartornermut naatsorsuutinik inaarutaasumik suliamut attuumassuteqanngitsumit uppenarsarneqarsimasunik aamma qularnaveeqqusiussaqarluni taarsigassarsinermit allagartap uparuagassartaqanngitsup naqeqqaarneranik nalunaarsorsimasumik naqissusersimasumillu kiisalu sillimmasiissummik takutitsinikkut.

Imm. 2. Taarsigassarsiaritit piginneqatigiilluni inissiatillit peqatigiiffiata illuutaasa qularnaveeqqusiunneqarnerisigut qularnaarneqassapput akilerneqartussanik tulleriinnilersuinermit ingiaqatigiittussanngorlugit inissinneqassallutik. Taarsigassarsianut qularnaveeqqut illu qularnaveeqqusiullugu sanaartornermut aningaasartuutitut tamakkiisunit sinneruttunut aningaasalersuutissatut, tak. § 7, imm. 4, taarsigassarsiarititaasimasut akilereernerini akilerneqartussatut inissisimassaaq.

**§ 10.** Inissianik sanaartornissamut taarsigassarsinissamik qinnuteqaatit kommunalbestyrelsimi suliarisassanngorlugit nassiunneqassapput.

Imm. 2. Qinnuteqaammut ilanngunneqassapput:

- 1) Pilersitsinermut isumaqatigiissut, pilersitsisunit tamanit atsiorneqarsimasoq.
- 2) Piginneqatigiilluni inissiaatillit malittarisassaat.
- 3) Pilersaarusionermut nassuiaat, inissiat amerlassusaannik inigisallu katillugit annertussusaanik paasissutissartalik.
- 4) Sananermi sanaartornermut aningaasartuutit tamakkiisut takussutissiornerat.
- 5) Kommunalbestyrelsimit nunaminertamik tunineqarnissamut neriorsuutaagallartoq.
- 6) Piginneqataasut aamma piginneqatigiilluni inissiaatillit peqatigiiffiata namminneerlutik aningaasalersuutissaminnik pissarsisinnaanerannut uppernarsaat.

**§ 11.** Qinnuteqaat nassiunneqartoq tunngavigalugu taarsigassarsititsinissamik neriorsuut qinnutigineqartoq tunniunneqarsinnaanersoq kommunalbestyrelsi isummissaaq.

Imm. 2. Taarsigassarsiarititassat akuersissutigineqarnissaannut piumasarineqarpoq:

- 1) Sanasussanut akigitinneqartussat pillugit pisussaaffiliisumik isumaqatigiissuteqartoqarsimannnginnissaa, aammalu sanaartugassat aallartinneqarsimannnginnissaat.
- 2) Sanatitsisutut suliasamat siunnersortimik pikkorissumik piginneqatigiilluni inissiaatillit peqatigiiffiata pissarsisimanissaa.
- 3) Sanaartukkami piffissami sanaartorfiusumi sanaartornermut pilersaarusionermullu inatsisit atuuttut naammassineqarsimanissaat.

**§ 12.** Kommunalbestyrelsi taarsigassarsititsinissamik neriorsuummik tunniussiguni, tamanna pillugu kommunalbestyrelsi Naalackersuisunut nalunaaruteqassaaq.

Imm. 2. Kommunalbestyrelsi taarsigassarsititsinissamik neriorsuummik tunniussisimappat piginneqatigiilluni inissiaatillit peqatigiiffiat Naalackersuisunit taarsigassarsitineqarnissamik neriorsorneqarnissamik pisinnaatitaaffeqarpoq. Namminersorerullutik Oqartussat taarsigassarsititsinissaannut kommunip taarsigassarsititsisimanissaa piumasaqaataavoq.

**§ 13.** Namminersorerullutik Oqartussat aamma kommunip taarsigassarsititsinissamik akuersippata, Naalackersuisut aamma kommunalbestyrelsi taarsigassarsititsinissamik neriorsuummik tunniussisapput, tassanilu taarsigassarsiarititassat amerlassuserigallagassaat taarsigassarsititsinermullu atugassarititaasut allassimassapput.

Imm. 2. Taarsigassarsiarititassat inaarutaasumik annertussusissaat, sanaartornermut naatsorsuutit arlaannaannulluunniit attuumassuteqanngitsumit akuerisat tunngavigalugit naatsorsorneqassapput.

Imm. 3. Sanaartornermut aningaasartuutissanut missingersuusat, taarsigassarsiat akuerineqarnerannut tunngaviusimasut allannguuteqarpata, aammalu allannguutit taarsigassarsiat inaarutaasumik annertussusissaannut sunniuteqartussanngorpata, piginneqatigiilluni inissiaatillit peqatigiiffiata tunngavissaqanngitsumik kinguarsaanertaqanngitsumik tamanna Naalackersuisunut aamma kommunalbestyrelsimut nalunaarutigissavaa. Tamanna pinngippat taarsigassarsiat inaarutaasut neriorsuutigineqartunit annertunerulersinneqasinnaanngillat.

**§ 14.** Sanaartorneq Naalakkersuisunit taarsigassarsititsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit aallartinneqarsimassaaq, aammalu ukiut pingasut qaangiutsinnagit naammassineqarsimassalluni atorineqalersimassallunilu. Tamanna pinngippat neriorsuut siumut ilisimatitsinertaqaanngitsumik atorunnaarsinneqassaaq.

Imm. 2. Piginneqatigiilluni inissiaatillit peqatigiiffiat taarsigassarsititsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit sanaartorneq aallartinneqareersimanersoq aallartinneqareersimannginnorsorluunniit pillugu paasissutissanik Naalakkersuisunut nassiussissaaq. Sanaartorneq aallartinneqareersimappat tamanna pillugu nalunaarut, piginneqatigiilluni inissiaatillit peqatigiiffiata suliarisimasaa aammalu kommunalbestyrelsimit uppersarsarneqarsimasooq ilanngunneqassaaq.

Imm. 3. Piginneqatigiilluni inissiaatillit peqatigiiffiata Naalakkersuisunit taarsigassarsititsinissamik neriorsuutitut allakkiap suliarineqarnerani ulluliussamiit ukiut pingasut qaangiutsinnagit atuilernissamut akuersissutip assilinera Namminersornerullutik Oqartussanut aamma kommunimut nassiuutissavaa.

Imm. 4. Sanaartornerup kinguaattoornerani kommunalbestyrelsip inassuteqareerneratigut imm. 1-imi piffissamut killissarititassatut allassimasut saneqqunneqarnissaannut immikkut ittumik Naalakkersuisut akuersissuteqarsinnaapput. Tamanna pissappat imm. 3-mi piffissamut killissarititassatut allassimasut immikkut akuersissummut naapertuuttunngorlugit nikisinneqassapput.

### **Kapitali 3**

Sanatitsisoq namminersortoq sanatitsisuulluni, piginneqatigiilluni inissiaatillit peqatigiiffiannut tunniunneqartussanik inissialianik nutaanik sanaartorneq

**§ 15.** Sanatitsisoq namminersortoq inissianik nutaanik, piginneqatigiilluni inissiaatillit peqatigiiffiannut tunniunneqarnissaat siunertaralugu sanasinnaavoq.

**§ 16.** Naalakkersuisut aamma kommunalbestyrelsi tamarmik immikkut § 15 naapertorlugi inissianik sanaartornissamut angissusissatut aningaasartassatullu killissarititaasut, imm. 2-mi aalajangersarneqartut iluanni sanaartornermi aningaasartuutissat tamakkiisut 25%-iinik erniaqanngitsunik akilersugassaannngitsunillu taarsigassarsititsinissamut neriorsuuteqarsinnaapput.

Imm. 2. Namminersornerullutik Oqartussat aamma kommunip taarsigassarsiarititassai inissiami inigisap annertussusaanut annerpaamik 110 kvadratmeterinut, tamatumani inissiaq annertunerugaluarpalluunniit, aammalu sanaartornermut aningaasartuutinut tamakkisunut annerpaamik kvadratmeterimut ataatsimut 19.100 koruunit, tamatumani sanaartornermut aningaasartuutissat annertunerugaluarpataluunniit, tunniunneqarsinnaapput.

Imm. 3. Sanatitsisup namminersortup aatsaat sanaartornermut aningaasartuutinit tamakkiisunit sinneruttut nammineerluni akilerpagit taarsigassarsititsinissamik neriorsuuteqartoqarsinnaavoq.

Imm. 4. Naalakkersuisut aamma kommunalbestyrelsip taarsigassarsititsinissamik neriorsuutaat

inissianut peqatigitillugu piginneqatigiilluni inissiatillit peqatigiiffiannut tunniunneqassaaq.

**§ 17.** Inissianik sanaartornissamut taarsigassarsitinneqarnissamik neriorsuummik qinnuteqaat kommunalbestyrelsimi suliasanngorlugu nassiunneqassaaq.

Imm. 2. Qinnuteqaammut ilanngunneqassapput:

- 1) Pilersaarusiamut nassuiaat, inissiat amerlassusaannik inigisallu katillugit annertussusaanik paasissutissartalik.
- 2) Sananermi sanaartornermut aningaasartuutit tamakkiisut takussutissiornerat.
- 3) Kommunalbestyrelsimit nunaminertamik tunineqarnissamut neriorsuutaagallartoq.
- 4) Sanatitsisup namminersortup sanaartornermut aningaasartuutinit tamakkiisunit sinneruttut pissarsiarisinnaanerannut uppernarsaat.

**§ 18.** Qinnuteqaat nassiunneqartoq tunngavigalugu taarsigassarsititsinissamik neriorsuut qinnutigineqartoq tunniunneqarsinnaanersoq kommunalbestyrelsi isummissaaq.

Imm. 2. Taarsigassarsiarititassat akuersissutigineqarnissaannut piumasarineqarpoq:

- 1) Sanasussanut akigitinneqartussat pillugit pisussaaffiliisumik isumaqatigiissuteqartoqarsimanninnissaa, aammalu sanaartugassat aallartinneqarsimanninnissaat.
- 2) Sanaartukkami piffissami sanaartorfiusumi sanaartornermut pilersaarusiormullu inatsisit atuuttut naammassineqarsimanissaat.

**§ 19.** Kommunalbestyrelsi taarsigassarsititsinissamik neriorsuummik tunniussiguni, tamanna pillugu kommunalbestyrelsi Naalakkersuisunut nalunaaruteqassaaq.

Imm. 2. Kommunalbestyrelsi taarsigassarsititsinissamik neriorsuummik tunniussisimappat sanatitsisoq namminersortoq Naalakkersuisunit taarsigassarsitinneqarnissamik neriorsorneqarnissamik pisinnaatitaaffeqarpoq. Namminersorerullutik Oqartussat taarsigassarsititsinissaannut kommunip taarsigassarsititsisimanissaa piunasaqaataavoq.

**§ 20.** Namminersorerullutik Oqartussat aamma kommuni taarsigassarsititsinissamik akuersippata, Naalakkersuisut aamma kommunalbestyrelsi taarsigassarsititsinissamik neriorsuummik sanatitsisumut namminersortumut tunniussisapput, tassanilu taarsigassarsiarititassat amerlassuserigallagassaat taarsigassarsititsinermullu atugassarititaasut allassimassapput.

Imm. 2. Taarsigassarsiarititassat inaarutaasumik annertussusissaat, sanaartornermut naatsorsuutit suliamut attuumassuteqanngitsumit akuerisat tunngavigalugit naatsorsorneqassapput.

Imm. 3. Sanaartornermut aningaasartuutissanut missingersuusiat, taarsigassarsiat akuerineqarnerannut tunngaviusimasut allannguuteqarpata, aammalu allannguutit taarsigassarsiat inaarutaasumik annertussusissaannut sunniuteqartussannorpata, sanatitsisup namminersortup tunngavissaqanngitsumik kinguarsaanertaqanngitsumik tamanna Naalakkersuisunut aamma kommunalbestyrelsimut nalunaarutigissavaa. Tamanna pinngippat taarsigassarsiat inaarutaasut neriorsuutigineqartunit annertunerulersinneqasinnaangillat.

**§ 21.** Sanaartorneq Naalakkersuisunit taarsigassarsititsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit aallartinneqarsimassaaq, aammalu ukiut pingasut qaangiutsinnagit naammassineqarsimassalluni atorneqalersimassallunilu. Tamanna pinngippat neriorsuut siumut ilisimatitsinertaqanngitsumik atorunnaarsinneqassaaq.

Imm. 2. Sanatitsisup namminersortoq taarsigassarsititsinissamik neriorsuutitut allakkiap suliarineqarnerani ulluliussamiit ukiut marluk qaangiutsinnagit sanaartorneq aallartinneqareersimanersoq aallartinneqareersimannginnersorluunniit pillugu paasissutissanik Naalakkersuisunut nassiussissaaq. Sanaartorneq aallartinneqareersimappat tamanna pillugu nalunaarut, sanatitsisup namminersortup suliarisimasaa, aammalu kommunalbestyrelsimit uppersarneqarsimasoq ilanngunneqassaaq.

Imm. 3. Sanatitsisup namminersortup Naalakkersuisunit taarsigassarsititsinissamik neriorsuutitut allakkiap suliarineqarnerani ulluliussamiit ukiut pingasut qaangiutsinnagit atuilernissamut akuersissutit assilnera Namminersornerullutik Oqartussanut aamma kommunimut nassiutissavaa.

Imm. 4. Sanaartornerup kinguaattoornerani kommunalbestyrelsip inassuteqareerneratigut imm. 1-imi piffissamut killissarititassatut allassimasut saneqqunneqarnissaannut immikkut ittumik Naalakkersuisut akuersissuteqarsinnaapput. Tamanna pissappat imm. 3-mi piffissamut killissarititassatut allassimasut immikkut akuersissummut naapertuuttunngorlugit nikisinneqassapput.

**§ 22.** Sanatitsisup namminersortupkingusinnerpaamik atuilernissamut akuersissutit tunniunneqarnerani inissiat piginneqatigiilluni inissiatillit peqatigiiffiannut, pisinermut akiusumik, sanatitsisumit aalajangerneqarsimasumik tamakkiisumik akilersillugit tunniutissavai. Taamaattoqanngippat taarsigassarsititsinissamik neriorsuut atorunnaassaaq, tamatumani Naalakkersuisut allamik aalajangiisimanngippata.

Imm. 2. Pisinermut akiusumut tamakkiisumut minnerpaamik pisinermut atatillugu aningaasartuutit tamakkiisut ilanngunneqassapput, taakkununga ilaallutik teknikkikkut aningaasaqarnikkullu siunnersorteqarnermut, inatsilerituumik siunnersorteqarnermut, aningaasalersuinermi siunnersorteqarnermut, allaffissornermut, aningaasalersuinermut, piginnittuunermut uppersaatiip aamma qularnaveeqqusiussaqarluni taarsigassarsinermi allagartat suliarineqarnerinut kiisalu naqissusiinermut uppersaatinut aningaasartuutit.

**§ 23.** Inissiat sanatitsisumit namminersortumit sananeqartut piginneqatigiilluni inissiatillit peqatigiiffianni ilaasortanit amerlaneruppata, sanatitsisup kommuni piginneqataassutissanik inuttaqanngitsunik piginneqataalernissaanik neqeroorfigissavaa.

Imm. 2. Kommuni neqeroorfigineqarnermini piginneqatigiilluni inissiatillit peqatigiiffianni piginneqataalernissani kissaatiginngippagu, sanatitsisup Namminersornerullutik Oqartussat piginneqataassutissanik inuttaqanngitsunik piginneqataalernissaannik neqeroorfigissavaa.

Imm. 3. Namminersornerullutik Oqartussat neqeroorfigineqarnermini piginneqatigiilluni inissiatillit peqatigiiffianni piginneqataalernissaminnik kissaateqanngippata, sanatitsisoq nammineerluni piginneqatigiilluni inissiatillit peqatigiiffianni piginneqataasutut inississaaq.

**§ 24.** Kommuni, Namminersornerullutik Oqartussat sanatitsisorluunniit piginneqatigiilluni inissiatillit peqatigiiffianni piginneqataasutut inissinnerminni, Inatsisartut peqqussutaanni matumani maleruagassani piumasarineqartut saniatigut piginneqatigiilluni inissiatillit peqatigiiffiata ingerlatsineranut sunnuteqarnissamik piumasaqarsinnaanngillat.

Imm. 2. Piginneqatigiilluni inissiatillit peqatigiiffiata ineqarnermut akitsuut, inissiamut atuisinnaatitaaffiusumut aalajangerneqartoq kommunimut, Namminersornerullutik Oqartussanut sanatitsisumulluunniit piginneqataalersumut akilersissavaa. Tamatuma kingorna

Namminersornerullutik Oqartussat, kommunip sanatitsisulluunniit namminersortup inissiaq inissianik attartortitsisarneq pillugu Inatsisartut peqqussutaanni namminersorluni attartortitsisarnermut maleruagassat sukkulluunniit atuuttut malillugit attartortissinnaalissavaat.

Imm. 3. Kommuni, Namminersornerullutik Oqartussat sanatitsisorluunniit pisusaapput, piginneqataassutiminnik inunnut, piginneqatigiilluni inissiaatillit peqatigiiffiata akuersineratigut piginneqatigiilluni inissiaatillit peqatigiiffianni ilaasortanningsinnaasunut tunniussiniassallutik.

**§ 25.** Naalakkersuisut aamma kommunalbestyrelsip sanatitsisumut namminersortumut taarsigassarsititsinissamik neriorsuutaat piginneqatigiilluni inissiaatillit peqatigiiffiannut tunniunneqassaaq.

Imm. 2. Namminersornerullutik Oqartussat aamma kommunip taarsigassarsiarititassaataatsaat tunniunneqarsinnaapput pisinermut akigititaasup imaluunniit § 49, imm. 2 naapertorlugu inissiamut piginneqataasup atuisinnaatitaaffigisaanut naligitinneqartup naleqqussakkap 5%-iinik piginneqataasut ataasiakkaat aningaasanngorlugit nammineerlutik aallaqqaatissatut akiliuteqarpata.

Imm. 3. Sanaartornermut aningaasartuutissanit tamakkiisunit sinneruttut piginneqatigiilluni inissiaatillit peqatigiiffiata nammineerluni aningaasalersussavai.

**§ 26.** Inissiat tunniunneqarnerinut nalunaarut Naalakkersuisunut aamma kommunalbestyrelsimut nassiunneqassaaq.

Imm. 2. Nalunaarummut ilanngunneqassapput:

- 1) Pilersitsinermut isumaqatigiissut, pilersitsisunit tamanit atsiorneqarsimasoq.
- 2) Piginneqatigiilluni inissiaatillit malittarisassaata.
- 3) Pisinermut uppersaataat atsiorneqarsimasoq.
- 4) Piginneqataasut aamma piginneqatigiilluni inissiaatillit peqatigiiffiata nammineerlutik aningaasalersuutissaminnik pissarsisinnaanerannut uppersaataat.

**§ 27.** Namminersornerullutik Oqartussat aamma kommunip taarsigassarsiarititassaata siusinnerpaamik akilerneqassapput inissiat naammassineqareerpata aammalu aatsaat atuilernissamut akuersissummik, pisinissamik isumaqatigiissummik atsiorsimasumik, qularnaveeqqusiussaarluni taarsigassarsinermit allagartamik nalunaarsorsimasumik naqissusersimasumillu kiisalu sillimmasiissummik takutitsinikkut.

Imm. 2. Taarsigassarsiarititapiginneqatigiilluni inissiaatillit peqatigiiffiata illuutaasa qularnaveeqqusiunnerisigut qularnaarneqassapput, akilerneqartussanik tulleriinnilersuinermit ingiaqatigiittussanngorlugit inissinneqassallutik. Taarsigassarsianut qularnaveeqqut illu qularnaveeqqusiullugu pisinermut akigititaasup tamakkiisut sinnerinik aningaasalersuutissatut taarsigassarsiarititaasimasut akilereernerini akilerneqartussatut inissisimassaaq, tak. § 25, imm. 3.

**§ 28.** Inigisap annertussusaanut kvadratmeterimut ataatsimut piginneqatigiilluni inissiaatip akiata naatsorsorneqarnerani agguaqatigiissitseriaaseq tunngavigineqassaaq, tassanilu piginneqatigiilluni inissiaatillit peqatigiiffiata pisinermut akia tamakkiisoq piginneqatigiilluni inissiaatini inigisap kvadratmeterinngorlugu katillugu annertussusaanut agguarneqassaaq.

## Kapitali 4

Namminersornerullutik Oqartussat imaluunniit kommunip tunniussinissaq siunertarlugu inissianik



§ 29. Namminersornerullutik Oqartussat aamma kommuni tamarmik immikkut piginneqatigiilluni inissiatillit peqatigiiffiannut tunniussinissaq siunertaralugu inissialiortitersinnaapput, taakkunungalu ilaapput piginneqatigiilluni inissiatillit peqatigiiffii Namminersornerullutik Oqartussat imaluunniit kommunip kisimiillutik piginneqataaffigisaat. Kapitali 3 taamatuttaaq atorneqassaaq, tassanili § 24, imm. 3 atorneqassanngilaq.

Imm. 2. Namminersornerullutik Oqartussat imaluunniit kommuni sanaartornermut aningaasartuutit tapiissuteqarfigineqarsinnaasut tamakkiisut 50%-iinik erniaqanngitsunik akilersugassaanngitsunillu taarsigassarsitissapput.

Imm. 3. Namminersornerullutik Oqartussat imaluunniit kommunip imm. 2 malillugu taarsigassarsiarititassai annerpaamik inissiami inigisap annertussusaanut 110 kvadratmeterinut, tamatumani inissiaq annertunerugaluarpalluunniit, aammalu sanaartornermut aningaasartuutit tamakkisunut annerpaamik kvadratmeterimut 19.100 koruuninik, tamatumani sanaartornermut aningaasartuutissat annertunerugaluarpataluunniit, tunniunneqarsinnaapput.

## Kapitali 5

Pisortat inissiaataannik attartortittakkanik piginneqatigiilluni inissiatut tigusineq

§ 30. Pisortat illuutaanni attartortittakkanik inissiarqartumi attartortut piginneqatigiilluni inissiatillit peqatigiiffiannik pilersitsinissamut, aammalu inissianik attartukkaminik piginneqatigiilluni inissiatut tigusinissamut pisinnaatitaaffeqarput, taamaattorli tak. imm. 2 aamma 4.

Imm. 2. Illuummi attartortittakkanik inissiarqartumi attartortut, inissianik attartukkaminik piginneqatigiilluni inissiatitut tigusinissamik kissaateqartut, illuummi attartortittakkanik inissiarqartumi tamarmiusumi attartortut tamakkiisut 55%-erissavaat. Inissiami ataatsimi attartortoq ataasiinnartut naatsorsorneqartarpoq, attartornermut isumaqatigiisummi allassimasut amerlassusaat apeqqutaatinnagu.

Imm. 3. Illuummi attartortittakkanik inissiarqartumi attartortut tamarmik piginneqatigiilluni inissiatillit peqatigiiffiannit piginneqatigiilluni inissiatillit peqatigiiffiannut ilaasortanngornissamik allakkatigut neqeroorfigineqassapput.

Imm. 4. Tigusinissamut pisinnaatitaaffeqarneq ukununga atuutinngilaq:

- 1) Illut ilaqutariinnut ataatsinut inissiat aamma illut affarleriit.
- 2) Inissiat innarluutilinnut imaluunniit pitsorluttunut immikkut sanaajusut imaluunniit ilusilersugaasut, aamma inissiat sullivimmut atatillugu inissiassatut immikkoortinneqarsimasut.
- 3) Inissiat utaqqiisigalugu inigititatut imaluunniit illusisimmavittut atorneqartut.
- 4) Inissiat imaluunniit illuutit, piginnittumit siunertamut aalajangersimasumut imaluunniit sulisorisanut inissiatut immikkoortinneqarsimasut.
- 5) Inissiat iluarsaassinernut isaterinernullu atatillugu Namminersornerullutik Oqartussat imaluunniit kommunip inissarsissusseqqinnissamik pisariaqartitsineri naammassiniarlugit atorneqartut.
- 6) Inissiat isumaginninnikkut inissaqartitsiniarnermik ajornartorsiuteqarnermik aaqqiissutissatut

kommunimut atugassanngortinneqartut.

**§ 31.** Pisortat illuutaat attartortittakkanik arlalinnik inissartaqartoq tamakkerlugu taamaallaat tiguneqarsinnaavoq, taamaalillunilu piginneqatigiilluni inissiatillit peqatigiiffiat illuut attartortittakkanik inissartaqartoq tamakkerlugu piginnittussaatitaalisalluni.

Imm. 2. Illuut nappaarissunik akunneqarluni, soorlu silami iikkat nikingasumik sananeqarsimallutik, immikkoortunik majuartarfeqarluni imaluunniit immikkut isertarfeqarluni illuutitut arlalinnut aggorneqarsinnaappat, illuutit ataasiakkaat immikkoortillugit tiguneqarsinnaapput.

Imm. 3. Illuutit arlallit pissusissamisoortumik ataatsimoorlutik inissisimappata, illuutit taakku piginneqatigiilluni inissiatillit peqatigiiffiannit ataatsimit tiguneqarsinnaapput.

**§ 32.** Attartortut pisortat illuutaannik attartortittakkanik inissartaqartunik piginneqatigiilluni inissiannngortitsinissamik qinnuteqaataat illuutip attartortittakkanik inissartaqartup piginnittuanut, tassalu Namminersornerullutik Oqartussanut imaluunniit kommunimut nassiunneqassaaq. Pilersitsinermi isumaqatigiissut, pilersitsisunit tamanit atsiorneqarsimasoq aammalu piginneqatigiilluni inissiatillit peqatigiiffiata malittarisassai qinnuteqaammut ilanngunneqassapput.

**§ 33.** Namminersornerullutik Oqartussat aamma kommuni qinnuteqaammik tigusermim kingorna illuut attartortittakkanik inissartaqartoq misissussavaat aammalu teknikkikkut aningaasaqarnikkullu naliliissummik suliaqassallutik, taamatuttaarlu piginneqatigiilluni inissiatillit peqatigiiffiat siunnersortimik sanaartornermik ilisimasalimmik, illuutip qanoq issusianik nalunaarusiortussamik atorfinitsitsissaaq.

Imm. 2. Teknikkikkut aningaasaqarnikkullu naliliissut aamma qanoq issutsimik nalunaarusiaq ataatsimoorlutik Naalakkersuisut imaluunniit kommunalbestyrelsip pisinissamik neqeroorusiornerannut tunngaviliissaaq, taannalu pissutissaqanngitsumik kinguarsaanertaqanngitsumik piginneqatigiilluni inissiatillit peqatigiiffiannut nassiunneqassaaq.

Imm. 3. Pisinissamut neqeroorut illuummi attartortittakkanik inissartaqartumi qularnaveequsiissutitut nalunaarsorsimasunut pisinnaatitaaffiusinnaasut piginnittumullu immikkut piunasaqaataasimasinnaasut pillugit paasissutissanik imaqaassaaq. Pisinissamut neqeroorut piginneqatigiilluni inissiatillit peqatigiiffiata illuut attartortittakkanik inissartaqartoq qularnaveequsiullugu taarsigassarsianik sapinngisamik annertunerpaanik tiguserinnaanut atugassarititaasunik imaqarsinnaavoq.

**§ 34.** Sanaartornermik ilisimasalik sanaartornermi nakkutilliinermik aamma sanaartornermi pilersaarusiornermik misilittagaqassaaq, aammalu illuummut immikkut ittumik attuumassuteqartussaanani. Sanaartornermik ilisimasalik inuussutissarsiornermi akisussaanermut sillimmasersimassaaq.

Imm. 2. Piginneqatigiilluni inissiatillit peqatigiiffiat aningaasalersuinermi siunnersortimik, illuutip attartortittakkanik inissartaqartup tiganeranut atatillugu piginneqatigiilluni inissiatillit peqatigiiffiannut ikiuuttussamik atorfinitsitsissaaq.

**§ 35.** Attartortoq inissiamik attartortittakkamik piginneqatigiilluni inissiatitut tiguserinissamik kissaateqanngitsaq:

1) Inissiami attartukkamini najugaqaannarsinnaavoq.

2) Illoqarfimmi najukkamini inissianik attartortitsisarneq pillugu Inatsisartut peqqussutaanni atuuttumi tamanna periarfissaqartinneqarpat, inissiamik attartortittakkamik allamik neqeroorfigineqarnissamut Naalakkersuisunut imaluunniit kommunalbestyrelsimut qinnuteqarsinnaavoq.

Imm. 2. Inissiani, attartortunit inissianik attartukkaminik piginneqatigiilluni inissiatut tiguserusunngitsunit najugaqarfigineqartuni, piginneqatigiilluni inissiatillit peqatigiiffiata atuisinnaatitaaffigisaanni Namminersornerullutik Oqartussat imaluunniit kommuni piginneqataasut inississapput. Piginneqatigiilluni inissiatillit peqatigiiffiata Namminersornerullutik Oqartussat imaluunniit kommuni inissianut atuisinnaatitaaffigiligaannut ineqarnermut akitsuummik akiliisissavai.

Imm. 3. Attartortup illummi najugaqaannartup ineqarnermut akiliutissaa, inissianik attartortitsisarneq pillugu Inatsisartut peqqussutaanni sukkulluunniit atuuttumi Namminersornerullutik Oqartussat kommunillu inissiaataanni attartortittakkani ineqarnermut akiliutip naatsorsorneqartarneranut maleruagassat nalinginnaasut naapertorlugit naatsorsorneqassaaq.

Imm. 4. Piginneqatigiilluni inissiatillit peqatigiiffiata maleruagassiaani aalajangersimasuni aalajangersakkat, tassunga ilaallutik torersaarnissamut maleruagassat malinneqarnissaat, attartortumut illummi attartortuuginnartumut atuuttussaapput.

**§ 36.** Attartortup inissiamik attartukkaminik piginneqatigiilluni inissiatut tigusinissamik kissaateqanngitsup, aammalu illummi attartortuuginnartup sukkulluunniit inissiaq attartukkani piginneqatigiilluni inissiatut tigusinnaavaa. Piginneqatigiilluni inissiatillit peqatigiiffiat piginneqataassutip tunniunneqarnissaanut akerliusinnaangilaq.

**§ 37.** Attartortup inissiamik allamik attartornissamut neqeroorut akuerippagu, Naalakkersuisut imaluunniit kommunalbestyrelsi attartortumut inissiamik, attartortup inoqutaanut naapertuuttumik neqerooruteqassapput. Attartortup nuunneranut aningaasartuutit naleqquttumik annertussuseqartut Namminersornerullutik Oqartussanit imaluunniit kommunimit akilerneqassapput.

Imm. 2. Attartortup inissiaq attartukkani qimappagu, Namminersornerullutik Oqartussat imaluunniit kommunip inissiaq pigisartik piginneqatigiilluni inissiatillit peqatigiiffianni utaqquisut allattorsimaffianni allatsissimasumut, inissianik attartortitsisarneq pillugu Inatsisartut peqqussutaanni sukkulluunniit atuuttumi inoqutigiinnut inissiallu annertussusissaannut tunngatillugu aalajangersakkanik naammassinnissimasumut siullermut tunniutissavaat. Tamatuma peqatigisaanik inuk utaqquisut allattorsimaffianniit toq pisortat inissiaataannik attartortittakkamik utertitaqassaaq. Utaqqisut allattorsimaffianni allatsissimasut arlaannaataluunniit piginneqataassummik tigusinissamut piomasqaatinik naammassinnissimangippat, Naalakkersuisut imaluunniit kommunalbestyrelsi innersuussisinnaatitaallissaaq.

**§ 38.** Piginneqatigiilluni inissiatillit peqatigiiffiata pilersinneqarnermi kingunitsiannua inuit, piginneqatigiilluni inissiatillit peqatigiiffianni ilaasortanngorusuttut allattorsimaffiannik pilersitsissaaq.

Imm. 2. Namminersornerullutik Oqartussat imaluunniit kommunip piginneqataassutaa inummut, piginneqatigiilluni inissiatillit peqatigiiffiata utaqquisunut allattorsimaffianni allatsissimasumut tunniunneqassaaq.

**§ 39.** Namminersornerullutik Oqartussat imaluunniit kommuni piginneqatigiilluni inissiatillit peqatigiiffiata pisortat inissiaataannik attartortittakkanik piginneqatigiilluni inissiatut tigusineranut

atatillugu, pisinermut akiusup tamakkiisup 50%-ianut erniaqanngitsunik akilersugassaannngitsunillu taarsigassarsititsisinnaapput. Illuutip piginnittaa taakkuninnga 50%-inik taarsigassarsititsisuusaaq.

Imm. 2. Taarsigassarsiarititassat aatsaat tunniunneqarsinnaapput piginneqataasut ataasiakkaat, inissiap piginneqataasup atuisinnaatitaaffigisassaata pisiarineranut akigititaasup tamakkiisup 5%-ia namminneerluni akilerpagu.

Imm. 3. Pisinermut akiusumit tamakkiisumit sinneruttut piginneqatigiilluni inissiaatillit peqatigiiffiata nammineerluni aningaasalersussavai.

**§ 40.** Qanoq issutsimut nalunaarusiamut naapertuuttumik, pisortat illuutaannut attartortittakkanik inissiarqartumut pisinermut akigititassaq teknikkikkut aningaasaqarnikkullu nalinganut, tassaasumut illuutip pisiareqqinneranut akigititassaq nalikilliliinerit aserfallatsaaliorneqanngitsullu ilanngaatilugit, aalajangerneqassaaq. Tassunga tigusinermut atatillugu aningaasartuutitut matussutissatut 2%-it ilanngunneqassapput, taakkuninnga ilaallutik teknikkikkut aningaasaqarnikkullu siunnersorteqarnermut, inatsisilerituumik siunnersorteqarnermut, aningaasalersuinermi siunnersorteqarnermut, allaffissornermut, aningaasalersuinermut, piginnittuunermut uppernarsaatip aamma qularnaveeqqusiussaqarluni taarsigassarsinermi allagartat suliarineqarnerinut kiisalu naqissusiinermut uppernarsaatitut aningaasartuutit.

Imm. 2. Illuut tigusinermut nalaani aserfallatsaaliorneqarsimannngippat, aserfallatsaaliinerup aallarteqqinnissaanut aningaasartuutissanut matussuttissanik piginneqatigiilluni inissiaatillit peqatigiiffiat taarsigassarsisinnaavoq. Taarsigassarsiat akilersorneqatussanik tulleriinnilersuinermi Namminersornerullutik Oqartussanut aamma kommunimut taarsigassarsianit sallinnngortillugit inissinneqassapput.

Imm. 3. Najugaqarfimmi ataatsimi illuummi inissianilu ataasiakkaani sillimmatissatut illuartitat ileqqaakkat illuutip attartortitsiviusartup tighunerani piginneqatigiilluni inissiaatillit peqatigiiffiannut nakkartinneqassanngillat.

**§ 41.** Illuut attartortittakkanik inissiarqartoq nutaaq naammassineqarnerminiit atorneqalernerminiillu ukiup ataatsip iluani tiguneqassappat, pisinermut akiusoq sanaartornermut naatsorsuutit akuerisat tunngavilugit aalajangerneqassaaq, akigititassamullu tigusinermut atatillugu aningaasartuutitut matussutissatut 2%-it ilanngunneqassapput, taakkuninnga ilaallutik teknikkikkut aningaasaqarnikkullu siunnersorteqarnermut, inatsisilerituumik siunnersorteqarnermut, aningaasalersuinermi siunnersorteqarnermut, allaffissornermut, aningaasalersuinermut, piginnittuunermut uppernarsaatip aamma qularnaveeqqusiussaqarluni taarsigassarsinermi allagartat suliarineqarnerinut kiisalu naqissusiinermut uppernarsaatitut aningaasartuutit.

Imm. 2. Najugaqarfimmi ataatsimi illuummi inissianilu ataasiakkaani sillimmatissatut illuartitat ileqqaakkat illuutip tighunerani piginneqatigiilluni inissiaatillit peqatigiiffiannut nakkartinneqassapput.

Imm. 3. § 33 teknikkikkut aningaasaqarnikkullu naliliisarnermut tunngasoq atorneqassanngilaq.

**§ 42.** Pissutsit immikkut tamatumunnga tunngavissaqartitsippata illuutip attartortittakkanik inissiarqartup §§ 40 aamma 41 naapertorlugit akigititassatut aalajangersarneqartunit akikinnerusumik tiguneqarsinnaanera Naalakkersuisut aalajangersinnaavaat. Pisinissamut akigititassaq illuutip niuernermi nalinganit qaffasinnerulersinneqarsinnaanngilaq.

**§ 43.** Namminersornerullutik Oqartussat imaluunniit kommuni piginneqatigiilluni inissiaatillit

peqatigiiffiata illuummik attartortittakkanik inissiarqartumik tigusineranut atatillugu innaallagissamut, imermut kiassarnermullu immikkut atuinermut naatsorsuinernullu uuttusersuinissaq piginneqatigiilluni inissiatillit peqatigiiffiannut isumaqatigiissutigisinnaavaat. Uttusersuineranut aningaasartuutit pisineranut akiusumut ilassutigitinneqassapput.

**§ 44.** Illuut attartortittakkanik inissiarqartoq, ungasianiit kiassarneqartoq imaluunniit pilersuineranut attaveqaatinut, kuuffeqarfinnut atortulersuutinulluunniit allanut attaviligaasoq tiguneqarpat, piginneqatigiilluni inissiatillit peqatigiiffiata tigusinermi kingorna pilersuiffioreersut ingerlatiinnassavai. Piginneqatigiilluni inissiatillit peqatigiiffiat pilersuisorlu tamanna pillugu isumaqatigiissusiussapput. Isumaqatigiissut Kalaallit Nunaanni Eqqartuussivimmi illuutitut nalunaarsuiffimmut nalunaarsorneqassaaq.

**§ 45.** Namminersorerullutik Oqartussat imaluunniit kommunip tigusineranut atatillugu aningaasartuutit akilissavaat. Assersuutigalugu siunnersorteqarnermut, allaffissornermut, piginnittuuneranut uppersarsaatip suliarineqarneranut kiisalu naqissusiineranut uppersarsaatinut aningaasartuutit.

**§ 46.** Namminersorerullutik Oqartussat imaluunniit kommunip taarsigassarsiarititaat piginneqatigiilluni inissiatillit peqatigiiffiata illuutaata qularnaveeqqusiunneratigut qularnaarneqassapput. Taarsigassarsiat, illuut qularnaveeqqusiullugu pisinermi akiusup sinneranut aningaasalersuutissatut taarsigassarsiaritit akilereernerini akilerneqartussatut inissisimassapput, tak. § 39, imm. 3.

**§ 47.** Namminersorerullutik Oqartussat imaluunniit kommunip piginneqatigiilluni inissiatillit peqatigiiffiata illuummik attartortittakkanik inissiarqartumik tigusineranut atatillugu, atugassarititaasut sukumiinerusumik isumaqatigiissutaareersut tunngavigalugit piginneqatigiilluni inissiatillit peqatigiiffiannit ininik attartornissamut pisinnaatitaaffeqarnissani piumasarisinnaavaat. Taamatuttaaq tigusinermi attartortut allaluunniit illuummut tunngatillugu atuisinnaatitaasut, tassunga ilaallutik inuussutissarsiutinik ingerlatsinissamik pisinnaatitaaffeqartut, tigusinermi pisinnaatitaaffeqarnerisa atuutiinnarnissaat piumasarineqarsinnaavoq.

## **Kapitali 6**

### **Piginneqatigiilluni inissiatillit peqatigiiffiat**

**§ 48.** Piginneqatigiilluni inissiatillit peqatigiiffiannut ilaasortaq ataaseq inissiamut ataasiinnarmut atuisinnaatitalersinnaavoq.

Imm. 2. Piginneqataasut ataaseq inummit ataasiinnarmut pigineqarsinnaavoq.

Imm. 3. Inuinnaat aamma inuit namminersorsinnaatitaasut kisimik piginneqatigiilluni inissiatillit peqatigiiffiannut ilaasortaasinnaapput.

Imm. 4. Namminersorerullutik Oqartussat imaluunniit kommuni, imaluunniit sanatitsisoq namminersortoq piginneqatigiilluni inissiatillit peqatigiiffianni piginneqataasutut inissisimappata, imm. 1 aamma 3 atutissanngillat.

**§ 49.** Piginneqataasut piginneqataassutsit aggorlugit annertussusilerneqarnerat naapertorlugi

piginneqatigiilluni inissiatillit peqatigiiffiata pisuussutaanut piginneqataapput, taannalu piginneqatigiilluni inissiatillit peqatigiiffianni inigisap angissusaanut tamakkiisumut naleqqiullugu inissiani piginneqataaffiusuni ataasiakkaani inigisap angissusaa naapertorlugu naatsorsorneqartarpoq.

Imm. 2. Kingusinnerpaamik atuilernermi ataatsimeersuartut piginneqataassutsinut naligitinneqartut naleqqussarsinnaavaat.

Imm. 3. Piginneqataasut piginneqatigiilluni inissiatillit peqatigiiffiata pisuussutaanit piginneqataassutaat qularnaveeqqusiissutaasinnaanatililu eqqartuussisutigoortitsissutigineqarsinnaanngillat.

Imm. 4. Piginneqataasoq taamaallaat tunisinermi ilanngaattissat peereerlugit iluanaarutigisinnaasaminik tiguisinnaatitaasussamik piginnaatitsisinnaavoq. Tiguisinnaatitaasup piginneqataassutip tunineqarnissaa piumasarisinnaanngilaa. Tiguisinnaatitaasoq piginneqatigiilluni inissiatillit peqatigiiffianni siulersuisuni nalunaarsorneqassaaq.

**§ 50.** Piginneqataasoq taamaallaat pisussaaffinnut piginneqatigiilluni inissiatillit peqatigiiffiannut attuumassuteqartunut aallaqqaattissatut akiliutigisimasami nalinginut akiliisussaataasinnaavoq, taamaattorli tak. imm. 2.

Imm. 2. Ataatsimeersuartut aalajangerpata, peqatigiiffiup illuutaanut illuut qularnaveeqqusiullugu taarsigassarsisoqassasoq, ilaasortat namminneerlutik nammaqatigiillutilu akiitsunut akiliisussaatinneqassapput, tamanna taarsigassarsititsisup allakkatigut piumasarisimappagu.

Imm. 3. Piginneqataasoq taassumaluunniit qimatai imm. 1 aamma 2 naapertorlugit akiliisussaataapput, piginneqatigiilluni inissiap tassanilu akiitsunut pisussaaffiit piginneqataasumit nutaamit tiguneqarnissaasa tungaanut.

**§ 51.** Piginneqatigiilluni inissiatillit peqatigiiffianni oqartussaasuni qullersaasut tassaapput ataatsimeersuartut. Ataatsimeersuarnermi piginneqataasut tamarmik immikkut ataatsimik taasisinnaatitaapput. Inatsisartut peqqussutaanni matumani, piginneqatigiilluni inissiatillit peqatigiiffianni malittarisassat imaluunniit peqatigiiffeqarnermut inatsisini maleruagassani nalinginnaasuni allanik aalajangiisoqarsimanngippat, ataatsimeersuarnermi aalajangiinerit nalinginnaasumik taasisut amerlanerussuteqarnerisigut akuersissutigineqartarput. Ataatsimeersuarnermi taasisinnaatitaasoq tassaavoq piginneqataanermut uppernarsaammi ateq allassimasoq.

Imm. 2. Ukiuoorlumik ineqarnermut akitsuut, pigineqataasunut ataasiakkaanut akilersinneqartussaq ataatsimeersuarnermi aalajangersarneqartarpoq.

Imm. 3. Piginneqatigiilluni inissiatillit peqatigiiffianni malittarisassat minnerpaamik malittarisassanik nalinginnaasunik, tak. ilanngussaq 1, ataatsimeersuarnermi taasisarnermut maleruagassanik, piginneqataassutinik tunniussisarnermut maleruagassanik aamma piginneqatigiilluni inissiatillit peqatigiiffianik atorunnaarsitsinissamut maleruagassanik imaqartunik imaqassapput.

**§ 52.** Ataatsimeersuartut siulersuisunik immaqalu aqutsisumik, ulluinnarni aqutsinermik isumaginnittuusussanik qinersissapput. Ataatsimeersuarnermi aqutsisumik toqqaasoqanngippat, siulersuisut piginneqatigiilluni inissiatillit peqatigiiffiata ulluinnarni aqunneqarnerannik isumaginnittuusapput. Peqatigiiffimmi ilaasortat kisimik siulersuisunut qinigaasinnaassuseqarput.

Imm. 2. Piginneqatigiilluni inissiatillit peqatigiiffiata ulluinnarni aqunneqarnera siulersuisunit

isumagineqarpat, piginneqatigiilluni inissiatillit siulersuisunut ilaasortat piginneqatigiilluni inissiatillit peqatigiiffiannut aningaasaqarnikkut akisussaaffiit isumannaallisaatit siulersuisut akisussaanerit sillimmasiissapput.

**§ 53.** Peqatigiiffik piginneqataanermut uppersaammik, piginneqataasup aqqanik allassimasumik tunniussissaaq.

Imm. 2. Piginneqataanermut uppersaat tammarpat nutaamik sanasoqassaaq, tassanilu taassuma tammartumut taartaanera allassimassaaq.

**§ 54.** Piginneqatigiilluni inissiaq inuussutissarsiornermut atorneqassangilaq, taamaattorli takukkit imm. 2 aamma § 47.

Imm. 2. Inuussutissarsiutinik ingerlataqarneq illup sullitanit ornigarneqarneranik kinguneqassangippat, tamannalu najugaqarfittut atuinermit naleqqiullugu annertuallaassangippat, ataatsimeersuartut piginneqatigiilluni inissiap ilaata inuussutissarsiornermut atorneqarsinnaanera akuerisinnaavaat.

## **Kapitali 7**

Sillimmasiisarneq, aserfallatsaaliuineq allangortitsisarnerlu

**§ 55.** Piginneqatigiilluni inissiatillit peqatigiiffiata illuutaa sukkulluunniit ikuallattoornissamut anorersuarneranilu ajoqusernissamut sillimmaserneqarsimassaaq.

**§ 56.** Piginneqatigiilluni inissiatillit peqatigiiffiata illuutaa inissiallu ataasiakkaat naammaginatsumik aserfallatsalineqassapput. Aserfallatsaaliuineq sanasut suliaattut pitsaassuseqarlutik eqqortumik suliarineqassapput. Piginneqatigiilluni inissiatillit peqatigiiffiat ilanngussaq 2 aallaavigalugu inissiatimini aserfallatsaaliuinissamut innersuussusiussaaq.

Imm. 2. Illup iluani pisattanik aalaakkaasunik aserfallatsaaliuineq piginneqataasut ataasiakkaat isumagisassaraat, namminneerlutillu akiligassaralugu. Piginneqatigiilluni inissiami allanik aserfallatsaaliuineq piginneqatigiilluni inissiatillit peqatigiiffiata isumagisassaraa, taassumalu akiligassaralugu, taamaattorli tak. imm. 3.

Imm. 3. Ataatsimeersuartut illup iluani silataanilu aserfallatsaaliuinissamut maleruagassanik, piginneqataasut ataasiakkaat ataqqissallugit naammassissallugillu pisussaaffigisaannik akuersisinnaapput.

Imm. 4. Siulersuisut pilersaarutaasumik ataavartumillu aserfallatsaaliuinissamut pilersarusiussapput, aammalu piginneqataasut ataasiakkaat ineqarnermut akitsuut aqutigalugu pilersaarutaasumik ataavartumillu aserfallatsaaliuinissamut akiliisinneqassapput.

**§ 57.** Namminersornerullutik Oqartussat aamma kommuni piginneqatigiilluni inissiatillit peqatigiiffiata illuutaanik qularnaveequsiiffigineqarsimappata, aammalu piginneqatigiilluni inissiatillit peqatigiiffiata illuutaa inissiallu ataasiakkaat naammaginatsumik aserfallatsalineqanngipata, Namminersornerullutik Oqartussat aamma kommunip taarsigassarsiat atorunnaarsisinnaavaat, tak. § 82, imm. 1, nr. 4, imaluunniit piginneqatigiilluni inissiatillit peqatigiiffiat piffissap naleqquttup, sukumiinerusumik aalajangerneqartup iluani aserfallatsaaliuinissamik allakkatigut peqqusinnaallugu.

Imm. 2. Piginneqatigiilluni inissiatillit peqatigiiffiat Namminersornerullutik Oqartussanit imaluunniit kommunimit pingasoriarluni allakkatigut peqquneqarsimagaluarluni aserfallatsaaliuisimangippat, Namminersornerullutik Oqartussat imaluunniit kommuip aserfallatsaaliugassat piginneqatigiilluni inissiatillit peqatigiiffiata akiligaanik suliaritissinnaavaat. Piumasaqaat piginneqatigiilluni inissiatillit peqatigiiffiata siulittaasuata najukkamut allakkatigut tigusiffigisartagaanut allakkatut nalinginnaasutut tammatsaalisatullu nassiunneqassaaq.

**§ 58.** Piginneqataasup illup iluani aserfallatsaaliuisussaatitaanini sumiginnarpagu, siulersuisut piginneqataasooq allakkatigut piffissap naleqquttup, sukumiinerusumik aalajangerneqartup iluani aserfallatsaaliuinissamik peqqussavaat. Piffissaliussap naanerata kingorna siulersuisut aserfallatsaaliuinissaq suliarineqarsimanersoq paasiniaarlugu inissiaq takuniassallugu pisinnaatitaapput.

Imm. 2. Piginneqataasooq siulersuisunit pingasoriarluni allakkatigut peqquneqarsimagaluarluni aserfallatsaaliuisimangippat, siulersuisut piginneqataasup akiligaanik piginneqatigiilluni inissiatillit peqatigiiffiat aserfallatsaaliugassanik isumaginnitsissinnaavaat. Taamaattorli piginneqataasup ilaasortaajunnaarsinneqarnissaa ataatsimeersuartunit aalajangerneqarpat tamanna pissanngilaq, tak. § 79, imm. 2.

**§ 59.** Piginneqataasooq inissiap iluani nalinginnaasunik annikinnerusunillu allannguinnissamut pisinnaatitaaffeqarpoq. Inissiap iluani annertuunik allannguisoqassappat, tamanna siulersuisunit akuerineqassaaq. Illup silataani annertuunik allannguisoqassappat, tamanna ataatsimeersuartunit akuerineqassaaq.

Imm. 2. Illup silataani allannguinerit sanasut suliaattut pitsaassuseqarlutik naammaginartumik aammalu sanaartornermut pilersaarusionermullu inatsisit naapertorlugit suliarineqassapput.

**§ 60.** Namminersornerullutik Oqartussat aamma kommunip qularnaveeqqutaat akilerneqartussanik tulleriinnilersuinermi pilersaarutaasumik ataavartumik aserfallatsaaliuinissamut taarsigassarsianit, pitsannguinnissamut taarsigassarsianit imaluunniit piginneqatigiilluni inissiatillit peqatigiiffiata illuutaani allanngortiterinissamut taarsigassarsianit kingusinnerusumut inissinneqarsinnaapput. Namminersornerullutik Oqartussat imaluunniit kommunip qularnaveeqqutaasa kingusinnerusumut inissinneqarnissaannut qularnaveeqqusiiiffiusut kingornani inissisimasut taamatutaaq kingusinnerusumut inissinneqarnissaminnik akuersinissaat piumasarineqarpoq.

Imm. 2. Namminersornerullutik Oqartussat aamma kommunip qularnaveeqqutaat piginneqatigiilluni inissiatillit peqatigiiffiata aserfallatsaaliuisimanginnerup iluarsineqarnissaanut taarsigassarsiaanit kingusinnerusumut inissinneqarsinnaanngilaq.

Imm. 3. Namminersornerullutik Oqartussat imaluunniit kommunip qularnaveeqqutaat, piginneqatigiilluni inissiatillit peqatigiiffiata taarsigassarsiaasa siornani inissisimasut, allanngortinneqarneranni, akilerneqartussanik tulleriinnilersuinermi kingusinnerusumut inissinneqassapput, tamatumuuna taarsigassarsiat nutaat piffissaq akilersorneqarfissaat sivitsorneqanngippat imaluunniit iluanaarutit tunniunneqarnerinut atatillugu taarsigassarsiat nutaat annertussusaat annertunerulinngippat.



Najugaqartussaataaneq, attartortitsineq aamma inigisamik allamut attartortitsinissamik akuersisarneq

**§ 61.** Piginneqataasup inissiami atuisinnaatitaaffigisamini najugaqarnissani pisussaaffigaa.

Piginneqataasoq imaluunniit inuk, piginneqataasup inoqutaanut ilaasoq, ukiup ataatsip iluani sivikinnerpaamik qaammatini arfinilinni ataannartuni unnuisarpap, najugaqartussaataaneq naammassineqarsimassaaq.

**§ 62.** Siulersuisut piginneqataasoq piginneqatigiilluni inissiami inimik ataatsimik inuinnarnut namminersorsinnaatitaasunut attartortitsinissaa akuersinnaavaat. Namminersorsinnaatitaanngitsunut imaluunniit inatsisitigut pisinnaatitaasunut pisussaataitaasunullu attartortitsisoqarsinnaanngilaq, aammalu ininik ataasiakkaanik qaammatinit pingasunit sivikinnerusumik attartortitsinissaq pisinnaanngilaq.

Imm. 2. Ininik ataasiakkaanik attartortitsinermi attartornermut akiliutip annertussusissaa aammalu attartortitsinissamut isumaqatigiissummi atugassarititaasut siulersuisunit akuerineqassapput. Attartornermut akiliut annerpaamik ineqarnermut akitsuummumut naleqqiullugu, naatsorsornerani piginneqatigiilluni inissiap annertussusaanut kvadratmeterit tamarmiusut inip annertussusaanut kvadratmeterinut tamarmiusunut agguarlugu naapertuuttumik annertussuseqassaaq.

Imm. 3. Attartortup ineqarnermut akiliut piginneqataasumut toqqaannartumik akilertassavaa.

Imm. 4. Piginneqatigiilluni inissiaatillit peqatigiiffiannut tunngatillugu attartortup iliuusai piginneqataasumut attartortitsisumut toqqaannartumik nuunneqarsinnaapput.

**§ 63.** Siulersuisut piginneqataasup piginneqatigiilluni inissiamik inigisaminik inunnut namminersorsinnaatitaasunut attartortitsinissaa akuersinnaavaat, piginneqataasoq peqanngikkallartussaappat, aammalu peqanngikkallarnissaa assersuutigalugu napparsimanermik, ilinniagaqarnermik, pinerluuteqarsimasunik inissiisarfimmiinnermik, imaluunniit piginneqataasup nammineerluni imaluunniit inoqutigiinni ilaasup nuutsikkallarneqarsimaneranik pissuteqarpat. Qaammatinit pingasunit sivikinnerusumik inigisamik allamut attartortitsisoqarsinnaanngilaq, taamatullu inunnut namminersorsinnaatitaanngitsunut aammalu inatsisitigut pisinnaatitaasunut pisussaataitaasunullu attartortitsisoqarsinnaanani.

Imm. 2. Piginneqatigiilluni inissiaatip sivilunerpaamik ukiuni pingasuni inummut allamut attartortinneqarnissaanut piginneqatigiilluni inissiaatillit siulersuisui akuersinnaapput.

**§ 64.** Piginneqatigiilluni inissiaatip inummut allamut attartortinneqarnerani, attartornermut akiliutissap annertussusissaa, inissiallu inummit allamut attartorneqarneranut atugassarititaasut siulersuisunit akuerineqartussaapput. Attartornermut akiliut annerpaamik ineqarnermut akitsuutip annertoqatigissavaa. Pequtit inummut allamut attartortitsinermi isumaqatigiissummut ilaatinneqarpata, attartornermut akiliut annerutinneqarsinnaavoq, taamaattorli akiliut annertunerpaamik ineqarnermut akitsuut 10%-imik ilallugu annertussuseqarsinnaalluni. Inigisamik attartortoq ineqarnermut akiliummik piginneqataasumut toqqaannartumik akiliisassaaq.

Imm. 2. Inigisamik allamut attartortitsiniarluni isumaqatigiissuteqarnermi, inigisamik attartortinneqartup piginneqatigiilluni inissiaatillit peqatigiiffiannut, piginneqataasumut inummulluunniit allamut allanik isumaqatigiissuteqarnissaa piumasarineqarsinnaanngilaq. Taamatut isumaqatigiissuteqartoqarsimappat taakkua atuutissanngillat. Inigisamik allamut attartortitsinissamik isumaqatigiissut atuutiinnassaaq, kisiannili piumasaqaataasut ilanngunneqartut atuutissanatik.

Tamatumanili attartortinneqartup inissiaq iserterfigineratut annertunerpaatigut pitsaassuseqartillugu utertissagaa isumaqatigiissutigineqarsinnaavoq.

Imm. 3. Inigisamik allamut attartortitsiniarluni isumaqatigiissut inummut ataatsimut tunngasuuvoq, aammalu attartortinneqartup siulersuisunit akuerineqarluni akuerineqaraniluunniit piginneqatigiilluni inissiaq attartukkani allamut attartorteqqissinnaanngilaa atortissinnaanaguluunniit.

**§ 65.** Namminersornerullutik Oqartussat imaluunniit kommuni piginneqatigiilluni inissiaatillit peqatigiiffiannut ilaasortannorsimagunik, Namminersornerullutik Oqartussat imaluunniit kommunip attartortitsineq pioreersoq allannortinnagu ingerlatiinnassallugu pisinnaatitaaffigaat.

**§ 66.** Attartortitsinissap inigisamilluunniit allamut attartortitsinissap isumaqatigiissutigineqarnerani, piginneqataasup attartortussaq imaluunniit inigisamik attartortinneqartussaq pisinnaatitaaffiisa annikillisinneqarsinnaanerat pillugu allakkatigut ilisimatissavaa, tak. § 81, imm. 1.

Namminersornerullutik Oqartussat imaluunniit kommuni piginneqatigiilluni inissiaatillit peqatigiiffiannut ilaasortannorsimappat, inissiap attartortittakkap piginneqatigiilluni inissiaatillit peqatigiiffiannut tunniunneqarnerata nalaani, attartortoq tamanna pillugu allakkatigut ilisimatineqassaaq.

Imm. 2. Allakkatigut ilisimatitsisoqarsimangippat taarsiisussannortitsisoqassaaq. Attartortup inigisamilu allamut attartortitsisup annaasai eqqartuussivitsigut taarsiisussannortitsisarnermut maleruagassat nalinginnaasut malillugit naatsorsorneqassapput.

## **Kapitali 9**

### **Piginneqataassutiniq tunniussineq**

**§ 67.** Piginneqataasup piginneqataassutimi piginneqataalersussamut nutaamut tunniunneqarnissaa pillugu piginneqatigiilluni inissiaatillit peqatigiiffianni siulersuisut qinnuigisinnaavai, tak. § 77, imm. 1.

Imm. 2. Piginneqataasup piginneqataassutimi, tassungalu atatillugu pisinnaatitaaffimmi pisussaaffimmilu piginneqataalersussamut nutaamut tunniunneqarnissaasa tungaanut piginneqatigiilluni inissiaatillit peqatigiiffianni ilaasortaaginnassaaq.

Imm. 3. Siulersuisut tunniussinissamik suliamik aallartitsinnginnerminni inissiaq aappariinnit atorpeqarsimappat, piginneqataasup qinnuteqaataa aappaasumit atsiorneqarsimanersoq siulersuisunit qulakkeerneqassaaq.

**§ 68.** Piginneqataassummik tunniussinermi piginneqataassutip akia ukunannga qaffasinnerussanngilaq:

- 1) Piginneqataasup aallaqqaatissatut akiliutai.
- 2) Piginneqataasup piginneqatigiilluni inissiaatit pigisarilernerannut atatillugu piginneqatigiilluni inissiaatillit peqatigiiffiata taarsigassarsiaanut akiliutigisimasai.
- 3) Piginneqatigiilluni inissiaammi pitsannorsaatit nalingi.
- 4) Piginneqatigiilluni inissiaatip illuutillu aserfallatsaaliorneqannginnerata nalinga.
- 5) Piginneqataasup piginneqatigiilluni inissiaatillit peqatigiiffianni ingerlatsinermi sinneqartoorutit naatsorsorneqartunit aamma sillimmatissatut illuartitanit atorpeqarsimangitsunit pisasai.

Imm. 2. Imm. 1, nr. 1-imi aamma 2-mi aningaasartaliunneqartut ukiumoortumik januaarip ulluisa

aallaqqaataanni erniap kisitsisitaanut 1,5%-imik ilallugu qaffanneqartarput. Aallaqqaatissatut akiliutit piffissami piginneqataassutip pisiarineqarfiani qaffanneqartarput, taamaattorli siusinnerpaamik atuilernissamut akuersissutip suliarineqarnerani ulluliunneqartoq aallarnerfigalugu. Akilersuutit piffissamit akilerneqarfissaanit qaffanneqartarput, taamaattorli siusinnerpaamik atuilernissamut akuersissutip suliarineqarnerani ulluliunneqartoq aallarnerfigalugu.

Imm. 3. Atuilernissamut akuersissutip suliarineqarnissaata tungaanut, piginneqataassut tunniunneqartoq piginneqataasup aallaqqaatissatut akiliutaata nalinganik akeqartinneqartarpoq.

**§ 69.** Pitsannguinerit inissiap nutaamik atorsinnaassuseqalersinneqarneranik imaluunniit atorneqarnerata nalingata qaffasinnerulersinneqarneranik paasineqassapput. Pisoqaassuseq aamma nungullarnerit pissutigalugit nalinga ajorseriaateqarsimappat taakku ilanngaatigineqassapput.

Imm. 2. Pitsannguinerit tunniussinnermut akiumut ilaatinneqassappata, tamanna pitsannguinerit naammassineriniit kingusinnerpaamik qaammatit arfinillit qaangiunnerini siulersuisunit allakkatigut akuerineqarsimassaaq.

**§ 70.** Piginneqataasup toqunerani aappaasoq qimataasoq piginneqataassummik tigusinissamut aamma piginneqataasutut ingerlaannarnissamik pisinnaatitaaffeqarpoq. Aappaasoq piginneqataaernerut uppersaammik nammineq aterminik allassimasumik tunineqassaaq. Piginneqataassutip akia § 68 naapertorlugu akiusutut naatsorsorneqartumit qaffasinnerutinneqassanngilaq.

Imm. 2. Taamatuttaaq inuk piginneqataasup toqunnginnerani sivikinnerpaamik ukiuni marlunni piginneqataasumut inoqutaasoq pisinnaatitaaffeqarpoq.

**§ 71.** Piginneqataasoq illumut paaqqinnittarfimmu assigisaanulluunniit nuuppat, § 70-imi aalajangersakkat taamatuttaaq atorneqassapput.

Imm. 2. Siulersuisut tunngavissaqarluarunik tuniussinissamut akerliusinnaapput.

**§ 72.** Piginneqataasup averusernerani avinneraniluunniit, imaluunniit piginneqataasup aappaqarnerata atorunnaarsinneqarnerani aappariiusuni arlaat piginneqataasutut ingerlaannarnissamut pisinnaatitaaffeqassanersoq, pisariaqassappat akuersissuteqarnikkut eqqartuussinikkulluunniit aalajangerneqassaaq. Tunniussineq pissappat, piginneqataassutip akia § 68 naapertorlugu akiusutut naatsorsorneqartumit qaffasinnerutinneqassanngilaq.

Imm. 2. Siulersuisut tunngavissaqarluarunik tuniussinissamut akerliusinnaapput.

**§ 73.** Piginneqataasup inooqateqarnerminik unitsitsinerani, inooqatigiinnerup unitsinneqarnissaa sioqqullugu piginneqatigiilluni inissiaammi minnerpaamik ukiuni marlunni ataatsimut najugaqarsimagunik piginneqataasup piginneqataassutini inooqatigisaminut tunniussinavaa. Piginneqataassutip akia § 68 naapertorlugu akiusutut naatsorsorneqartumit qaffasinnerutinneqassanngilaq.

Imm. 2. Siulersuisut tunngavissaqarluarunik tuniussinissamut akerliusinnaapput.

**§ 74.** Kingornussinikkut piginneqataassut inummut inissiami najugaqanngitsumut tunniunneqassappat, tunniussinissaq siulersuisunit akuerineqassaaq.

Imm. 2. Siulersuisut tunngavissaqarluarunik tuniussinissamut akerliusinnaapput. Taamatut pisoqartillugu siulersuisut tunisinermi iluanaarutit kingornussisumut akilissavaat. Piginneqataassutip akia § 68 naapertorlugu akiusutut naatsorsorneqartumit qaffasinnerutinneqassanngilaq.

§ 75. §§ 70-74-imi taaneqartunit allaanerusumik pisoqartillugu, piginneqataassutininik tunniussineq piginneqatigiilluni inissiatillit peqatigiiffiata malittarisassaanni maleruagassiarineqartut naapertorlugit pisinnaavoq. Piginneqataassutip akia § 68 naapertorlugit akiusutut naatsorsorneqartumit qaffasinnerutinneqassanngilaq.

§ 76. Piginneqataasoq piginneqataassutimi tunniunneqarnissaa pillugu siulersuisunut qinnuteqarpat, piffissaq inissiamit nuuffissaq aamma piffissaq piginneqatigiilluni inissiaammik misissuiffissaq siulersuisut piginneqataasullu allakkatigut isumaqatigiissutigissavaat. Piginneqataasoq misissuinermit peqataanissaminik pisinnaatitaaffeqarpoq, aammattaaq suliamik ilisimasalimmik ilaqarluni.

Imm. 2. Misissuinermit siulersuisut misissuinermit nalunaarusiussapput, tassanilu amigaataasinnaasut sumiginnagaasimasinnaasulluunniit, siulersuisut piginneqataasup akisussaaffiisut isumaqarfigisaat allanneqassapput. Piginneqataasoq tamatumunnga isumaqataanngippat, tamanna misissuinermit nalunaarusiami allanneqassaaq, piginneqataasup isummersuutai nalunaarneqassallutik. Misissuinermit illuatungeriit marluullutik peqataasimappata, misissuinermit nalunaarusiaq misissuinermit atatillugu illuatungeriinnit atsiorneqassaaq. Piginneqataasoq taassumaluunniit sinniisigisaa misissuinerup kingunitsianngua nalunaarusiap assilineranik tunineqassaaq.

Imm. 3. Piginneqataasoq taassumaluunniit peqataanissamut piginnaatitaa misissuinermit takkutinngippat, siulersuisut misissuinermit nalunaarusiaq suliassanut, piginneqataasup akiligaanik sularineqartussanut tunngavigissallugu pisinnaatitaaffeqarput.

Imm. 4. Suliassanut piginneqataasup akiligaanik sularineqartussanut aningaasartuutit tunisinermit iluanaarutissanit matussuserneqassapput. Piginneqatigiilluni inissiatillit peqatigiiffiata aningaasartuutai matussuserneqanngitsut piginneqataasumit inissiamit nuuttumit piginneqatigiilluni inissiatillit peqatigiiffiannut akilerneqassapput.

§ 77. Siulersuisut piginneqataassummik tunisinermit allatullu iliorluni tunniussinermi ingerlatsisuusussaapput. Siulersuisut piginneqataassummik tunisinissamut allatullu iliorluni tunniussinissamut isumaqatigiissusiornissamut kisimiillutik piginnaatitaapput.

Imm. 2. Tunniussinissaq sioqqullugu siulersuisut piginneqataalersumut uku tunniutissavaat:

- 1) Piginneqatigiilluni inissiatillit peqatigiiffiata malittarisassai.
- 2) Ukiumoortumik naatsorsuutit missingersuutillu kingulliit assilineri.
- 3) Piginneqataassummik tunniussinermi akiusup qanoq iliorluni naatsorsorneqarsimanerinit takussutissat immikkoortiterlugit allassimaffiat.
- 4) Piginneqatigiilluni inissiat pillugit Inatsisartut peqqussutaat sukkulluunniit atuuttoq.

Imm. 3. Piginneqataassummut akiliutissaq piginneqatigiilluni inissiatillit peqatigiiffiannut akilerneqassaaq, tassanngaanniillu pisassaasinnaasut ilanngaatigereernerini sinneruttut piginneqataajunnaartumut akilerneqassapput.

Imm. 4. Piginneqataalersup piginneqataajunnaartumut allanik isumaqatigiissuteqarnissaa tunniussinermi piumasarineqarsinnaanngilaq, tassanili pequtit aalaakkaasunngorlugit ikkussat, piginneqatigiilluni inissiaammut immikkut naleqqussarneqarsimasut ikkunneqarsimasulluunniit pineqanngillat.

§ 78. Siulersuisut pisussaapput piginneqataasooq ilaasortaajunnaarsissallugu atuisinnaatitaaneralu atorunnaarsissallugu, piginneqataasup:

- 1) Allakkatigut piumaffigineqarnerminiit kingusinnerpaamik ulluinnaat arfineq marluk qaangiunnerini akiligassani akilinngippagit.
- 2) Ineqarnermut akitsuutit akiligassallunniit tassunga ilaasussat allat akilersimanngippagit, aammalu allakkatigut piumaffigineqarnerminiit kingusinnerpaamik ulluinnaat arfineq marluk qaangiunnerini akiligitsuukkani akilinngippagit.
- 3) Siulersuisut akuersiteqqaarnagit piginneqatigiilluni inissiaat najukkani allamut attartortippagu, aammalu allakkatigut piumaffigineqarnerminiit kingusinnerpaamik ulluinnaat 14-it qaangiunnerini tamanna iluarsisimanngippagu.
- 4) Piginneqatigiilluni inissiaat najukkani najugaqarfiginngippagu, aammalu allakkatigut piumaffigineqarnerminiit kingusinnerpaamik ulluinnaat 30-t qaangiunnerini tamanna iluarsisimanngippagu.
- 5) Aserfallatsaaliuinissamut maleruagassat allakkatigut piumaffigineqarnerminiit kingusinnerpaamik ulluinnaat 30-t qaangiunnerini malissimanngippagit.

§ 79. Piginneqataasup qaammatit aqqaneq marluk ataannartut iluanni siulersuisunit allakkatigut minnerpaamik pingasoriarluni piumaffigineqarsimagaluarluni, piginneqatigiilluni inissiaatillit peqatigiiffiata torersaarnissamut maleruagassiaanik malinninnissamut pisussaaffini malinnngippagit, piginneqataasooq ilaasortaajunnaarsissallugu atuisinnaatitaaneralu atorunnaarsissallugu ataatsimeersuartut pisussaapput.

Imm. 2. Piginneqataasooq siulersuisunit allakkatigut pingasoriarluni piumaffigineqarsimagaluarluni § 58 naapertorlugu inissiap iluani aserfallatsaaliuisimanngippat, tamannalu piginneqatigiilluni inissiaatillit peqatigiiffiata illuutaanik ajoqusiivinnermik nassataqarsinnaappat, ataatsimeersuartut piginneqataasooq ilaasortaajunnaarsissinnaavaat.

§ 80. §§ 78 aamma 79 naapertorlugit allakkatigut piumasaqaat allakkatut nalinginnaasutut aamma tammatsaalisatut piginneqataasup najukkamini allakkanik tiguisarfianut nassiunneqassaaq. Tamatuma saniatigut pisuni § 78, nr. 3-mi aamma 4-mi taaneqartuni, piumasaqaat piginneqatigiilluni inissiaammut piginneqataasup atuisinnaatitaaffigisaanut, siulersuisunut ilaasortanit marlunnit tunniunneqassaaq. Piginneqataasooq pissarsiarineqarsinnaanngippat siulersuisunut ilaasortat allakkat piginneqatigiilluni inissiaammut, piginneqataasup atuisinnaatitaaffigisaanut tunniunneqarsimanera atsiormermikkut uppersarsassavaat. Uppersarsaatip assilinera erngerluni piginneqatigiilluni inissiaatillit peqatigiiffianni siulittaasumut tunniunneqassaaq.

Imm. 2. Ataatsimeersuartut imaluunniit siulersuisut piginneqataasumik ilaasortaajunnaarsitsinermik aalajangernerat allakkatigut suliarineqassaaq, tassungalu allakkatigut paasissutissat uku ilaatinneqassapput:

- 1) Ilaasortaajunnaarsitsinermut tunngaviusooq, inatsisitigut tamatumunnga tunngavigineqartoq allallugu.
- 2) Piginneqatigiilluni inissiaat qaqugu qimanneqarsimassanersooq pisattallu annisereersimassanersut.
- 3) Piginneqatigiilluni inissiaammut matuersaatit qaqugu siulersuisunut tunniunneqarsimassanersut.
- 4) Piginneqatigiilluni inissiaat qaqugu misissorneqassanersooq.

5) Piffissap qanoq ilinissaata tungaanut ineqarnermut akitsuut, kiassarneq il.il. akilersorneqassanersut.

6) Aningaasartuutit allat suut piginneqataasup piginneqatigiilluni inissiatillit peqatigiiffianut taarsissanerai.

Imm. 3. § 78, nr. 1 aamma 2, aamma § 79 tunngavigalugit ilaasortaajunnaarsitsinermi, atuisinnaatitaaneq sivikinnerpaamik qaammammik ataatsimik sioqutsilluni nalunaaruteqarnikkut atorunnaarsinneqarsinnaavoq. § 78, nr. 3-5 naapertorlugit ilaasortaajunnaarsitsinermi atuisinnaatitaaneq erninnaartumik atuuttussanngorlugu atorunnaarsinneqarsinnaavoq.

Imm. 4. Imm. 2 naapertorlugu aalajangiinermik nalunaarut piumasaqaatip nassiunneqartarneratut nassiunneqassaaq, tak. imm. 1.

**§ 81.** Piginneqataasoq ilaasortaajunnaarsinneqarpat, tamatumunnga peqatigitillugu inissiamik piginneqataassummut attuumassuteqartumik attartortsinermut imaluunniit inigisamik allamut attartortsinermut isumaqatigiissut atorunnaassaaq. Attartortup imaluunniit inigisamik attartortinneqartup isumaqatigiissut unioqqutissimannikkaluarpaguluunniit tamanna atuutissaaq.

Imm. 2. Piumasaqaatip naammassineqannginnerani piginneqataasoq piumasaqaammik, ilaasortaajunnaarsinneqarnissamik kinguneqartussamik tiguspapat, aammalu piginneqataasup piumasaqaat naammassiniarnagu aalajangersimappat, piginneqataasup attartortoq imaluunniit inigisamik attartortinneqartoq ilaasortaajunnaarsinneqarnissaaq pillugu nalunaarfigissavaa. Piumasaqaammik naammassinninnissamut piffissarititaasup naaneraniit kingusinnerpaamik ulluinaat tallimat qaangiunnerini ilisimatitsissut allakkatut nalinginnaasutut aamma tammatsaalisatut attartortup imaluunniit inigisamik attartortinneqartup najukkamini allakkanik tiguisarfianut nassiunneqassaaq.

## **Kapitali 11**

Taarsigassarsiat erniaqanngitsut akilersugassaanngitsullu akiligassanngortinneqartarnerat

**§ 82.** Naalakkersuisut imaluunniit kommunalbestyrelsi allamik aalajangigaqanngippata, pisortanit taarsigassarsiarititit erniaqanngitsut akilersugassaanngitsullu akiligassanngortinneqassapput, imatut pisoqartillugu:

1) Taarsigassarsititsinermi atugassarititaasut annertuumik sumiginnarneqarpat.

2) Piginneqatigiilluni inissiatillit peqatigiiffiata siulersuisui imaluunniit ataatsimeersuartut §§ 78 aamma 79 naapertorlugit piginneqataasumik ilaasortaajunnaarsitsinissamik pisussaaffimminnik naammassinninngippata.

3) Pisortanit taarsigassarsiarititit saniatigut taarsigassarsiat allat, piginneqatigiilluni inissiatillit peqatigiiffiata illuutaa qularnaveeqqusiullugu qulakkeerneqarsimasut atorunnaarsinneqarlutik akiligassanngortinneqarpat.

4) Taarsigassarsiallip inissiaq naammaginartumik aserfallatsaalinnngippagu, aammalu taarsigassarsititsisimasumut qularnaveeqqusiissut ajorseriarsinnaappat.

5) Piginneqatigiilluni inissiatillit peqatigiiffiata illuutaa minnerpaamik ikuallattoornissamut anorersuarneranilu ajoqusernissamut sillimmaserneqarsimannngippat.

6) Piginneqatigiilluni inissiatillit peqatigiiffiata inissiaatai § 54-imi piumasaqaatit unioqqutillugit atorneqarpat.

7) Piginneqatigiilluni inissiatillit peqatigiiffiata taarsigassarsititsisimasooq taassumaluunniit aallartitaa

illuummik takuniaanerani isernissaanut tunngavissaqanngitsumik itigartippagu.

8) Piginneqatigiilluni inissiatillit peqatigiiffiata ukiumoortumik naatsorsuutitik kingumoortumik misissortinngippagit imaluunniit piginneqatigiilluni inissiatillit peqatigiiffiata ukiumoortumik naatsorsuutit pisortanut taarsigassarsititsisimasunut nassiukkumangippagit.

9) Piginneqatigiilluni inissiatillit peqatigiiffiata naatsorsuusiornera naatsorsuusioriaatsimut nalinginnaasumut naleqqiullugu pissusiviusunut uppersarneqarsinnaasumik naleqqutinngippat.

10) Piginneqatigiilluni inissiatillit peqatigiiffiat aningaasanik, pilersaarutaasumik ataavartumillu aserfallatsaaliuinissamut naammattunik akiliisitsisangippat sillimmatissanillu illuartitsisangippat.

11) Piginneqatigiilluni inissiatillit peqatigiiffiat pilersaarutaasumik ataavartumillu aserfallatsaaliuinissamut pilersarusiorsimangippat.

12) Piginneqatigiilluni inissiatillit peqatigiiffiat atorunnaarsinneqarpat, imaluunniit taassuma inissiaatai piginneqatigiilluni inissiatut atorneqarnerminnit allaanerusumik atorneqalerpata.

Imm. 2. Imm. 1 naapertorlugu pisortanit taarsigassarsiarititat erniaqanngitsut akilersugassaangitsullu Namminersornerullutik Oqartussanit imaluunniit kommunimit atorunnaarsinneqannginneranni, pissutsit aaqqinneqarnissaat pillugu qaammammik ataatsimik piffissaliilluni tamanna piginneqatigiilluni inissiatillit peqatigiiffiannut allakkatigut nalunaarutigineqassaaq.

## **Kapitali 12**

### Missingersuutit naatsorsuutillu

§ 83. Piginneqatigiilluni inissiatillit peqatigiiffiata ukioq naatsorsuusiordfigisaa qaammatinik aqqaneq marlunnik sivisussuseqassaaq. Kisiannili piginneqatigiilluni inissiatillit peqatigiiffiata ukioq naatsorsuusiordfigisaa siulleq sivikinnerusinnaavoq sivisunerusinnaalluniluunniit, taamaattorli sivisunerpaamik qaammatinik 18-inik sivisussuseqarsinnaalluni. Taamatuttaaq piginneqatigiilluni inissiatillit peqatigiiffiata piffissap naatsorsuusiordfigisassaata allanngortinneqarnissaanut atatillugu piffissaq naatsorsuusiordfiusoq sivikinnerusinnaavoq sivisunerusinnaalluniluunniit.

Imm. 2. Piginneqatigiilluni inissiatillit peqatigiiffiat ukiumoortumik naatsorsuutit kingumoortumik misissorneqarnissaannut kukkunerisiuisumik naalagaaffimmit akuerisamik imaluunniit kukkunerisiuisutut nalunaarsorsimasumik atorfinitsitsissaaq. Kukkunerisiuisoq kukkunerisiuinermi allattaavinnut allattuissaaq.

Imm. 3. Kukkunerisiuisumik naalagaaffimmit akuerisamik imaluunniit kukkunerisiuisutut nalunaarsorsimasumik atuinissamut pisussaaffik sapinngisamik siusissukkut piffissani ukunani atuutilissaaq:

1) Pisinnaatitaanerup nalunaarsorneqarnerani.

2) Piginneqatigiilluni inissiatillit peqatigiiffiata piginneqatigiilluni inissiaataanik atuilernermi.

Imm. 4. Piginneqatigiilluni inissiatillit peqatigiiffiisa missingersuutinik, ukiumoortumik naatsorsuutinik, oqaaseqaatinik kisitsisinillu pingaarnernik suliaqarnissaannut ilusiliinissaannullu Naalackersuisut maleruagassanik aalajangersaasinnaapput.

§ 84. Piginneqatigiilluni inissiatillit peqatigiiffiat, Namminersornerullutik Oqartussanit imaluunniit kommunimit taarsigassarsilluni piginneqatigiilluni inissianik pisisimasoq, ukiumoortumik naatsorsuutit

ataatsimeersuartunit akuerineqarneranni erngerluni ukiumoortumik naatsorsuutit assilinerinik Namminersornerullutik Oqartussanut aamma kommunimut nassiussissaaq.

### **Kapitali 13**

Piginneqatigiilluni inissiatillit peqatigiiffiannik atorunnaarsitsineq

§ 85. Piginneqatigiilluni inissiatillit peqatigiiffiata atorunnaarsinneqarnissaa aammalu piginneqatigiilluni inissiatillit peqatigiiffiata inissiaataasa inissiatut nammineq pigisatut tunineqarnissaat ataatsimeersuartunit aalajangerneqarsinnaavoq.

Imm. 2. Piginneqatigiilluni inissiatillit peqatigiiffiata inissiaataasa inissiatut nammineq pigisatut tunineqarnissaat siunertaralugu peqatigiiffik atorunnaarsinneqassappat, tamatuma piginneqataasunit tamanit akuerineqartariaqarpoq.

Imm. 3. Atorunnaarsitsineq inunnit marlunnit isumagineqassaaq, taassumalu aappaa tassaassaaq eqqartuussissuserisoq akuersissummik pigisaqartoq, aappaalu ataatsimeersuartunit toqqarneqassaaq. Atorunnaarsitsinermi naatsorsuutit inaarutaasut piginneqatigiilluni inissiatillit peqatigiiffiata kukkunersiuisuanit kukkunersiorneqassapput, aammalu piginneqatigiilluni inissiatillit peqatigiiffiannut taarsigassarsititsisoqarsimappat Namminersornerullutik Oqartussanut aamma kommunimut nassiunneqassallutik.

Imm. 4. Piginneqatigiilluni inissiatillit peqatigiiffiata atorunnaarsinneqarnerata kingorna pissuussutsit ilanngaaseriikkat piginneqataasunit, piginneqataassutsinut ataasiakkaanut naligitinneqartut naapertorlugit agguarneqassapput.

§ 86. § 85, imm. 1 naapertorlugu tunisinermit atatillugu piginneqatigiilluni inissiatillit peqatigiiffiannut Namminersornerullutik Oqartussanut aamma kommunimit taarsigassarsiarititaasimasut piginneqatigiilluni inissiatillit peqatigiiffiata tiguseqqaarnerani imaluunniit sanaartornerani aningaasartuutaasimasunit inissiamut piginneqataassutit 40%-iannut paarlaassinermut taarsigassarsiarititassanik taarserneqarnissaat piumasarineqarsinnaavoq, annerpaamilli kvadratmeterimut 5.400 koruuninut aamma annerpaamik inissiami inigisap annertussusaanut 110 kvadratmeterinut. Taarsigassarsiarititassat taarsigassarsiat paarlaanneqartut agguaqatigiisinnerat naapertorlugu annertussusilerlugit Namminersornerullutik Oqartussanut aamma kommunimit taarsigassarsiaritinneqassapput.

Imm. 2. Piginneqatigiilluni inissiatillit peqatigiiffiat atorunnaarsinneqartoq, ullormi atorunnaarsitsiviusumi annerpaamik ukiunik 15-inik pisoqaassuseqarpat, paarlaassinissamut taarsigassarsiarititassat ullormit pisinissamik isumaqatigiissutip atsiorneqarfianiit ukiuni 15-ine erniaqartinneqassangillat akilersugassaassanattillu, tamatumalu kingorna taarsigassarsiat angeqqatigiinnik aningaasartalerlugit ukiuni qulini akilersugassangortinneqassallutik. Tamatuma kingorna paarlaassinermut taarsigassarsiat ukiumoortumik januaarip ulluisa aallaqqaataanni erniap kisitsisitaq 3%-pointimik ilallugu januaarip ulluisa aallaqqaataanni atuutilersumik ernialersorneqartassapput.

Imm. 3. Piginneqatigiilluni inissiatillit peqatigiiffiat atorunnaarsinneqartoq, ullormi atorunnaarsitsiviusumi ukiut 15-it sinnerlugit pisoqaassuseqarpat, paarlaassinissamut taarsigassarsiarititassat ullormit pisinissamik isumaqatigiissutip atsiorneqarfianiit ukiuni qulini



erniaqartinneqassanngillat akilersugassaassanatillu, tamatumalu kingorna taarsigassarsiat angeqqatigiinnik aningaasartalerlugit ukiuni qulini akilersugassanngortinneqassallutik. Tamatuma kingorna paarlaassinermut taarsigassarsiat ukiumoortumik januaarip ulluisa aallaqqaataanni erniap kisitsisita 3%-pointimik ilallugu januaarip ulluisa aallaqqaataanni atuutilersumik ernialersorneqartassapput.

Imm. 4. Piginneqatigiilluni inissiatillit peqatigiiffiannut pisortanit taarsigassarsiarititat aallaqqaammut annertussusaasa, aammalu paarlaassinermut taarsigassarsiarititat nikingassutaat inissiamik nammineq pigisamik pisisup aningaasannorlugit akilissavai, taamatullu inissiamik nammineq pigisamik pisisup nammineerluni aningaasalersuutissat sinneri isumagissavai.

Imm. 5. Namminersorerullutik Oqartussat aamma kommunip taarsigassarsiarititaat inissiap nammineq pigisap qularnaveeqqusiunneratigut qularnaarneqassapput, akilerneqartussanik tulleriinnilersuineri ingiaqatigiittussanngorlugit inissinneqassallutik. Taarsigassarsianut qularnaveeqqusiissut, pisinermut akiusumut sinneruttumut, tak. imm. 4 aningaasalersuutissat inissiaq qularnaveeqqusiullugu taarsigassarsiat, annerpaamik niuernerimi akigititaasup 90%-anik, imm. 2 imaluunniit imm. 3 naapertorlugu taarsigassarsiat ilanngaatilugit annertussuseqartut, akilereernerini akilerneqartussat inissisimassapput.

Imm. 6. Piginnittut nikinneranni imm. 2 aamma imm. 3 naapertorlugit Namminersorerullutik Oqartussat aamma kommunip taarsigassarsiarititaat, annerpaamik niuernerimi akigititaasup 90%-anik, imm. 2 imaluunniit imm. 3 naapertorlugu taarsigassarsiat ilanngaatilugit annertussuseqartut, akilereernerini akilerneqartussat inissisimassapput.

Imm. 7. Inissiami akiitsut saniatigut inissiap nalinga qularnaveeqqusiullugu taarsigassarsiat § 86, imm. 1 naapertorlugu taarsigassarsiat akilerneqareernerini akilerneqartussat inissinneqassanngillat. Taamaattorli taarsigassarsiat, inissiap nalinganut qaffaataasumik inissiami aserfallatsaaliuinerup nalinginnaasup saniatigut iluarsaassinermut pitsanngorsaanermullu, kiisalu inissiamik alliliinermut taarsigassarsiat akilerneqareernerini akilerneqartussat inissinneqassapput. Taarsigassarsiat akilerneqarnissaasa inissinneqarnerini aningaasartuutitut uppersarsarneqarsimasut, taamaattorli annerpaamik iluarsaasserit, pitsanngorsaanerit alliliinerillu inissiap nalinganut qaffatsitsisut kisimik tungavigineqassapput.

Imm. 8. Inissiaq sukulluunniit ikuallattoornissamut anorersuarneranilu ajoqusernissamut qularnaveeqquserneqarsimassaaq.

**§ 87.** Inissiamik nammineq pigisamik pisisup pisinermut atatillugu aningaasartuutit tamaasa akilissavai, taakkununga ilaallutik teknikkikkut aningaasaqarnikkullu siunnersorteqarnermut, inatsisilerituumik siunnersorteqarnermut, allaffissornermut, aningaasalersuinermut siunnersorteqarnermut, aningaasalersuinermut, piginnittuunermut uppersarsaatip suliarineqarnerinut kiisalu naqissusiinermut uppersarsaatinut aningaasartuutit.

**§ 88.** § 86 naapertorlugu paarlaassinermut taarsigassarsiarititat piginnittut nikinneranni akiligassanngortinneqassanngillat.

Imm. 2. Taamaattorli paarlaassinermut taarsigassarsiarititat akiligassanngortinneqassapput:

1) Taarsigassarsianut erniat akilersuutillu akilerneqanngippata, aammalu tamanna pillugu allakkatigut akileeqqusissutip taarsigassarsialimmit tiguneqarneraniit kingusinnerpaamik ullut arfineq marluk qaangiutsinnagit taarsigassarsisup akiitsut akilinngitsuukkat akilersimanngippagit.

- 2) Taarsigassarsiallip inissiaq nammineq pigisaq naammaginartumik aserfallatsaalinnippagu, aammalu taarsigassarsititsisimasumut qularnaveeqqusiissut ajorseriarsinnaappat.
- 3) Inissiaq nammineq pigisaq inissianik attartortitsisarneq pillugu Inatsisartut peqqussutaanni sukkulluunniit atuuttumi atugassarititaasut unioqquillugit attartortinneqarpat imaluunniit ineqartumit inummut allamut attartortinneqarpat.
- 4) Inissiaq minnerpaamik ikuallattoornissamut anorersuarneranilu ajoqusernissamut sillimmaserneqarsimangippat.

Imm. 3. Taarsigassarsiallip piffissap qanorluunniit ilinerani paarlaassinermut taarsigassarsiat erniassaannik sulii akilerneqanngitsunik ilassuserlugit, akilersinnaavai.

**§ 89.** Piginneqatigiilluni inissiaatillit peqatigiiffiat atorunnaarsinneqarpat, aammalu inissiat siornatigut pisortat attartortittakkatut inissiaatigisimappatigit, tamatumunngalu peqatigitillugu piginneqatigiilluni inissiaatillit peqatigiiffiata inissiaatai inissiatut nammineq pigisatut tunineqarnissaat aalajangerneqarsimangippat, inissiat inissiatut attartortittakkatut nalinginnaasutut inissianik piginnittuusimasunit tiguneqassapput. Piginneqataasimasut inissiani attartortutut najugaqaannarnissamik pisinnaatitaaffeqarput. Attartortitsisup qaammatini sisamani ineqarnermut akiliutip akilerneqarnissaa piumasarisinnaavaa.

Imm. 2. Piginneqatigiilluni inissiaatillit peqatigiiffiata atorunnaarsinneqarnerani inissiat inissiatut attartortittakkatut nalinginnaasutut atorneqalernissaat pillugu Naalakkersuisut maleruagassiorsinnaapput, taakkununga ilaallutik piginneqatigiilluni inissiaatillit peqatigiiffiannut taarsigassarsiaritit taarsersorneqarnissaannut, aningaasaqarnikkut iluarsisassat allat akilersorneqarnissaannut, attartortut inatsisitigut inissisimaffiinut kiisalu attartortut siunissami ineqarnermut akiliutissaasa aalajangersarneqarnissaannut maleruagassat.

## **Kapitali 14**

Atuutsitsilernissamut aalajangersakkat aamma ikaarsaarnermut aalajangersakkat

**§ 90.** Inatsisartut peqqussutaat 1. juli 2008 aallarnerfigalugu atuutilerpoq.

Imm. 2. Tamatumunnga peqatigitillugu atorunnaarsinneqarput:

- 1) Piginneqatigiilluni inissiat pillugit Inatsisartut peqqussutaat nr. 1, 31. oktober 1991-imeersoq.
- 2) Namminersornerullutik Oqartussat nalunaarutaat nr. 35, 27. august 1990-imeersoq  
Piginneqatigiilluni inissialiornissannit akuersisarneq pillugu.
- 3) Piginneqatigiilluni Inissiaatillit Peqatigiiffiisa toqqammavissatut malittarisassaatt pillugit Namminersornerullutik Oqartussat nalunaarutaat nr. 13, 25. juni 1992-imeersoq.

Imm. 3. Namminersornerullutik Oqartussat kommunillu inissiaataasa attartortittakkat teknikikkut aningaasatigullu nalilivigineqartarnerat pillugu Namminersornerullutik Oqartussat nalunaarutaat nr. 9, 12. maj 2003-meersoq, Inatsisartut peqqussutissaat manna naapertorlugu aalajangersaanikkut allangortinneqarnissami atorunnaarsinneqarnissamilu tungaanut atuutiinnassaaq.

**§ 91.** Piginneqatigiilluni inissiaatillit peqatigiiffiinut, 1. juli 2008 sioqqullugu sanasimasunut imaluunniit tiguisimasunut 31. december 2007-imi akigititassap annerpaaffissaata naatsorsorneqartarneranut maleruagassat maannamut atuussimasut akigititassap annerpaaffissaanik naatsorsuinermit

tunngavigineqaannassapput.

§ 92. Piginneqatigiilluni inissiatillit peqatigiiffii 1. juli 2008-mi Namminersornerullutik Oqartussanit aamma kommunimit taarsigassarsitinneqarnissamik neriorsorneqarsimasut, taarsigassarsiassallu suli tunniunneqarsimanngitsut, Naalakkersuisunut qinnuteqarnermikkut inissiami inigisap angissusiani kvadratmeterimut 6.000 koruunit sinnerlugit taarsigassarsititsiniartarfimmit (realkredit) taarsigassarsinissamut akuerineqarsinnaapput.

§ 93. Piginneqatigiilluni inissiatillit peqatigiiffii 1. juli 2008-mi Namminersornerullutik Oqartussanit aamma kommunimit taarsigassarsitinneqarnissamik neriorsorneqarsimasut, taarsigassarsiassallu suli tunniunneqarsimanngitsut, Naalakkersuisunut aamma kommunalbestyrelsimut qinnuteqarnermikkut taarsigassarsitinneqarnissamik neriorsuut pissarsiartik Inatsisartut peqqussutaani matumani maleruagassat malillugit taarsigassarsinissamik neriorsuummik taarsertissinnaavaat.

*Namminersornerullutik Oqartussat, ulloq 16. maj 2008*

Hans Enoksen

/

Kim Kielsen

---

Ilanngussaq 1

Ilanngussaq 2